

粵  
西  
叢  
載

清  
汪  
森  
編

第  
一  
冊

進  
步  
書  
局  
校  
印

清汪森編

粵西叢載

上海進步書局印行

粵西叢載提要

清汪森撰凡三十卷承詩載文載之餘輯此叢載分目二十頗近冗碎然遺聞軼事多賴以傳旣足以廣見聞又足以資考證固不必以體近說部而嫌其榛楛勿翦也森官桂林府通判已詳搜博采歸田後復借朱竹垞家藏書薈粹訂補其用力之勤殊不可沒焉

清 汪森編

靜江府石刻 陳思實刻 叢編下同

唐平蠻頌 唐韓雲卿撰 韓秀實分書 李陽冰篆額 大曆十二年立 諸道石 按西

原蠻在唐為邊患久矣 自肅宗至德以來 百餘年間 諸蠻更相雄長 乍服乍叛 攻桂

管十八州 所至焚廬舍 掠士女 元道州所謂城池并邑 但生荒草 登高極望 不見人

烟 蓋實錄也 今此碑所序 大曆十一年 賊帥潘長安 偽稱南安王 誘脅夸蠻 連跨州

邑 南距雕題交趾 西控昆明 夜郎 北泊黔巫 衡湘 流毒如彼 其廣 天子命隴西縣男

昌巖 持節招討 擒獲元惡 并其將帥 八十四人 生獻闕下 其俘酋 二十餘萬 並給耕

牛種糧 令還舊居 勳烈如此之著 其列傳偶闕 而不書 歐趙集古金石之文 又偶不

得此碑入錄 鄉非事著於碑 而碑錄於余 其遂無聞矣 錄後

唐新步虛詞十九首 茅山玄靜先生門人朝議郎守太府卿韋渠牟撰 貞元十七

年立 字畫清勁 諸道石 刻錄

唐新開隱山六洞記 唐都防禦判官侍御史內供奉吳武陵撰 防禦衙推韓方明

八分書。升篆額。李渤游於州之西山。其溪谷潭洞皆人所未嘗至者。遂名之曰隱山。構亭榭於其上。以寶曆元年八月立此記。集古錄古

唐隱山六洞記。唐韋宗卿撰。李方古書。寶曆元年。諸道石刻錄

唐杜鵑花詩二首。唐張濟及嶺南節度使劉崇龜唱和杜鵑花詩二首。前監察御

史張巖書。乾寧元年刻。集古錄古

唐新修堯舜二祠祭器記。唐趙觀文撰。顏起正書。升篆額。乾寧五年八月十五日

建復齋碑錄

玄元綸言。諸道石刻錄

容州石刻

唐景星寺碑。唐容州都督盧藏用撰。升分書篆額。開元四年立。諸道石刻錄

唐元結德政碑。唐大曆中立。諸道石刻錄

梧州石刻

唐水泉銘。唐大曆間容州刺史元結撰。貞元十二年正月十六日。章武重修。升書。

復齋碑錄

柳州石刻

唐柳州山水記 唐柳宗元撰。元和十年立。諸道石刻錄

唐重復大雲寺記 唐柳宗元撰。正書無名篆刻。憲宗時立。復齋碑錄

唐羅池廟碑 唐吏部侍郎韓愈撰。中書舍人沈傳師書。柳州刺史柳宗元死而為

神。州人立廟於羅池碑。以長慶元年正月立。集古錄目

唐柳州井銘 唐柳宗元撰。沈傳師書。長慶三年立。字畫頗不工。疑後人偽為。然以

子厚集本校之。不同者數字。此本為善。又恐工人模刻。不甚精好爾。金石錄

靜江府碑記 玉象之輿地碑記目下同

桂林石瑞 唐太宗時。桂州獻石瑞文。上有字曰聖王大吉。子孫五千歲。

韓雲卿平蠻頌 九域志云。唐李靖為嶺南安撫大使。有平蠻頌碑。韓雲卿文。李陽

冰篆額

訾家洲亭石記 訾氏所居訾氏亭記。柳宗元文。

隱山六峒記 唐韋宗卿

陽朔縣廳壁記 唐吳武陵

全義縣復北門記 柳宗元撰

修堯舜二祠祭器碑 唐趙觀文撰

新開隱山記 唐吳武陵撰

隱山六峒詩賦序碑 唐李渤撰

重修靈渠記 唐刺史魚孟威撰

唐衡嶽道士李彌明詩刻 在唐帝祠

饗軍堂記 柳宗元文

唐大曆磨崖 在堯舜祠

虞帝廟碑 唐李陽冰篆

桂頌 范成大作也 桂林以桂名 顧弗植桂 成大始收之 賓植之 正夏堂 植已而去

郡為之祠 幾後之人勿翦伐 見賓州安城志

桂林志 鮑同序

桂林編 柳褒序

桂海 范石湖序

嶺外代答。周喜序。

容州碑記

元刺史秦氏科率狀。在郡齋。

唐盧藏用碑。開元四年。舊在景新寺。今在報恩寺。

十洞記。吳元美撰。

普寧志。司法梁日成編。

唐刺史題名序。郡守陶弼撰。

王慶曾恩元堂詩碑。見斷碑門。

象州碑記

石羊山大字。石羊山在武仙縣。上有六行大字。隱約如草書。四傍皆無路可達。莫

辨其真。土人相傳為仙人留題。

象郡志。丁世英序。

仙嶠石刻。詳在景物上仙巖下。

邕州碑記



天威經新鑿海派。咸通九年。淨海軍營書記裴劍撰。

唐銅柱銘。在江左右。其刻云。銅柱折。交人滅。

建武志。尹安中編樂公明序。

太宗平蠻碑。余靖文。

邕州馬退山茅亭記。柳子厚文。

邕管雜記。長編雍熙二年。上覽邕管雜記。歎其風俗乖異。詔嶺南諸州民嫁娶喪葬。衣服制度。委所在長吏。漸加戒厲。俾遵條式。

### 昭州碑記

唐明皇丹青驛詩刻。驛前南面架危橋。久欲登臨畏路遙。今日偶然尋得到。真從平地上丹青。此明皇丹青驛詩也。

南漢銅佛識。報恩光孝寺殿。貯銅佛一軀。跌坐蓮花中。五代僞劉時所鑄。高一丈二尺。濶六尺。座高七尺。縱濶一丈。巨拇圍五寸。他稱之金蘭寶陣。皆銅所范。妙極精巧。後有識云。維大漢大寶四年。

玉白泉石刻。在昭平縣龍門峽。上有龍門峽玉白泉六大字。

鄒道鄉祠堂記 南軒文

五瘴說 梅摯作刻石在梅公亭云

得志軒記 鄒浩撰

張夢立字序 鄒浩撰

昭潭志 韋揖編

梧州碑記

元結永井銘 井在州北一里。唐大曆十三年。容州經略使元結過郡。目曰永井。又為銘刻石泉上。銘曰。火山無火。永井無水。惟彼泉源。甘寒可凝。鑄金磨石。篆刻此銘。置之泉上。彰厥後生。

吳武陵墓石刻 在桂芳橋上。有石刻云。咸通二年七月五日。吳武陵之墓。

蒼梧志 薛誠之編

蒼梧集 見集賢堂下。無編集人姓名。

藤州碑記 闕

潯州碑記

南海乾和白石秀林之記。乾和三年。歲次乙酉。奉勅鐫石玉皇儀像侍衛九軀并修金籙齋慶讚記。臣吳可一撰。

余襄公學記。在慶曆中。詳見修貢院記。

浚江志。教授黃鍾序。

白石洞陽明觀記。景祐二年立。

陳坦然墓記。余襄公撰。

冀州廳壁記。潘陽石城撰。

太守題名記。大觀二年。郡守張浙云。

貴州碑記。

懷澤志。教授譚景光序。

柳州碑記。

柳州文宣王新修廟碑。柳子厚文。

黃柑堂碑。在黃柑堂。柳子厚所題詩刻。今存。

乾明寺碑。柳子厚來刺是邦而建寺有碑。

水亭記 柳子厚文

大雲寺 柳宗元碑見存

柳州山水記 柳宗元撰

柳侯遺碑 學有夫子廟碑。蓋子厚親筆。久仆無聞。淳熙乙酉。太守趙彥禮復得舊

斷碑。并蓋於學宮草莽間。遂龕於郡治明秀堂。

羅池廟碑 韓文公作集古錄云長慶元年立

靈泉寺磨崖碑 王安中撰

重修學記 汪藻撰

橫州碑記 闕

融州碑記

唐平蠻刻 久視元年

玉融志 楊昱

天下第一真仙之巖 張子湖書

賓州碑記

韋厥碑。智誠洞。去縣四十里。蓋韋厥所隱之洞也。碑乃廖州刺史韋敬辨所撰。

葛仙崇三大字。在州西十五里葛仙崇。

安城志。吳遠編。

鬱林州碑記。

隱仙巖留題。在南留縣壁。上有元和十四年來游字。餘不可考。

唐乾符中碑。北戍灘。在博白縣西南一百里。馬門灘之下。唐咸通末。安南都護高

駢既平蠻獠。詔歸闕自海路。由合浦而上。經是灘。險不可行。又中伏。巨石駢因留俸

錢。遺海門防遏使楊俊營治之。至今舟楫通行。人無艱阻。乾符中。俊立碑以紀其事。

碑今存焉。

鬱林圖志。舊記李宗鄂序。新誌施坤序。

宜州碑記。闕。

賀州碑記。

龍門廟秦古碑。在蒼梧門外。神乃秦人。碑備述靈異。

蘇許公烈女碑。在廟中。

廣陽島石刻。碧雲崑。在富川縣一里。崑洞邃深。石壁最高處。有石脰成三字。曰廣陽島。遠望分明。近視如擘絮狀。

幽山丹靛記。太和五年李郃撰。

惠澤侯廟碑。在廟。

元祐黨籍石刻。見魏濟西事碑

龍隱巖石壁上。刻有元祐黨籍。文臣曾任宰臣執政者二十七人。曾任待制以上者四十九人。餘官一百七十七人。武臣二十五人。內臣二十九人。為臣不忠。曾任宰臣者二人。乃慶元間刻。蓋欲存其名。以明公論。故摩崖錫之。予考崇寧元年壬午九月。蔡京籍元祐及元符末宰執司馬光等。侍從蘇軾等。文臣程頤等。武臣王獻可等。宦者張士良等。共百二十人。為姦黨。請帝書之。遂刻石於端禮門。次年癸未。頒之州縣。令監司長吏廳。皆刻石。又次年甲申。重定黨籍。刻石朝堂。凡三百九人。此其重定者也。然賢不肖混淆。亦有詆訾元祐之政者。濫廁其間。凡與元長齟齬者。皆目為姦黨。又元長與章子厚交惡。內亦多章黨。五年丙戌正月。以星變。從劉遠之請。即夜擊碎其碑。京次晨始見之。厲聲曰。石可毀。名不可滅也。嘻。名信哉。不可滅矣。按此碑刻。纔

年餘即碎。且無問後世公論也。是刻云置於文德殿門之東壁。時又鑄寶鼎。列元祐諸臣之名於上。以當魑魅。金人入汴。始擊而碎之。今錄龍隱刻於左。

皇帝嗣位之五年。旌別淑慝。明信賞刑。元祐害政之臣。靡有佚罰。乃命有司。夷考罪狀。第其首惡。與其附麗者以聞。得三百九人。皇帝書而刊之石。置於文德殿門之東壁。永為萬世臣子之戒。又詔臣京書之。將以頒之天下。臣竊惟陛下仁聖英武。遵制揚功。彰善癉惡。以昭先烈。臣敢不對揚休命。仰承陛下孝弟繼述之志。司空尚書左僕射兼門下侍郎臣蔡京謹書。

元祐姦黨

文臣冒任宰臣執政

二十人

司馬光。故文彥博。故呂公著。故呂大防。劉摯。故范純仁。故韓忠彥。曾布。梁燾。王巖叟。故蘇轍。王存。鄭雍。故傅堯俞。故趙彥。故韓維。故孫固。故范百祿。故胡宗愈。故李清臣。劉奉世。范純禮。安燾。陸佃。故黃履。故張商英。蔣之奇。

曾任待制以上官

四十九人

蘇軾。故劉安世。范祖禹。故朱光庭。故姚勔。故趙君錫。故馬默。故孔武仲。故孔文仲。吳

安持。故錢勰。故李之純。故孫覺。故鮮于侁。故趙彥若。故趙高。王欽臣。故孫升。故李周。故王汾。故韓川。故顧臨。故賈易。呂希純。曾肇。王觀。范純粹。呂陶。王古。豐稷。張舜民。張問。故楊畏。鄒浩。陳次升。謝文瓘。岑象求。周鼎。徐勣。路昌衡。董敦逸。故上官均。葉濤。故郭知章。楊康國。龔原。朱紱。葉祖洽。朱師服。

餘官  
十七人

秦觀。故黃庭堅。晁補之。張耒。吳安詩。歐陽棐。劉唐老。王鞏。呂希哲。杜純。張保源。孔平仲。衛鈞。完公適。故洪百藥。周謹。孫瑜。范柔中。鄧孝甫。王察。趙岫。封覺民。胡端修。李傑。李賁。趙令畀。郭執中。萬芳。金極。高公應。安信之。張集。黃策。吳安遜。周永徽。高漸。張夙。鮮于綽。呂諒。王賈。朱紘。吳朋。故梁安國。王右。蘇迥。檀固。何大受。王箴。鹿敏求。江公望。曾紆。高士育。鄧忠臣。故神師極。韓治。都貺。秦布甫。錢景詳。周綽。何大正。呂彥祖。梁寬。沈千。曹興宗。羅鼎臣。劉勃。王拯。黃安期。陳師錫。子肇。黃遷。莫快。許堯輔。楊拙。胡良。梅若俞。寇宗顏。張居。李修。逢純熙。高遵恪。黃才。曹監侯。顯道。周遵道。林膚。葛輝。故宋壽岳。王公彥。王交。張溥。許安修。劉吉甫。胡潛。董祥。楊懷寶。倪直儒。蔣津。王守。鄧允中。梁俊民。王陽。張裕。陸表氏。葉世英。謝潛。陳唐。劉經國。湯鉞。故司馬康。故宋保國。故黃



隱。畢仲游。常安民。汪行。余爽。鄭俠。常立。程頤。唐表。問。余下。李格。非。陳瓘。任伯雨。張庭堅。馬涓。孫鏐。故陳郭。朱光喬。蘇嘉。龔夫。王回。呂希績。故吳儔。故歐陽中。立。尹材。葉伸。故李茂直。吳處厚。李積中。商倚。陳祐。虞防。李祉。李深。李之儀。范正平。曹蓋。楊懋。蘇珣。葛茂忠。劉諤。柴哀。洪羽。趙天祐。李新。扈充。故張恕。陳弁。洪芻。周錡。蕭利。趙越。滕友。江洵。方适。許端卿。李昭。玘。向。紉。陳容。鍾正甫。高茂華。楊彥璋。廖正一。李夷行。彭醇。梁世能。

武臣

二十  
五人

張翼。李備。故王獻可。故胡田。馬諗。王履。趙希夷。任瀟。郭子旂。錢盛。趙希德。王長民。李水。故王庭臣。吉師雄。李惠。吳休復。崔昌符。潘滋。高士權。李嘉亮。李琬。劉延肇。姚雄。李基。

內臣

二十  
九人

梁惟簡。故陳衍。故張士良。梁知新。故李倬。故譚展。竇鉞。趙約。黃卿。從。馮說。曾壽。蘇舜民。楊億。梁弼。陳恂。張茂則。故張琳。裴彥臣。李儼。故閻守勲。王紱。李穆。蔡克明。王化基。任道。鄧世昌。鄭居簡。張祐。王化臣。

為臣不忠曾任宰臣二人

王珪章惇

公論天地並大。日月並明。亘億萬年。矛盾互馳。此脉終不可亂。欲勢力變置之。有是哉。元祐黨議。徽宗固隨高宗。亦繼昭宵觀國史。謂實錄人論公家儀。寺書大臣有致。慶元戊午備。末始始獲識左丞梁公之。曾孫府鈐。律愛其有前輩風度。相與其。臆改日從容。及籍中名氏。因謂欲刻諸石。便報傳夫前此一時之屈。而後此萬世者所有。惠其汗。蟻君子本以利己。浮定罪惡反。無恙彼小人。至其邪心。必少俊明。斯舉也。似不無補。歲九月日吉川饒祖堯敬跋。

融州石刻

融州真仙巖多碑刻。元祐黨碑亦在焉。明胡文穆公為廣僉事時碎之。此文穆自載於已集。郎瑛七修類藁

石刻補

九疑山碑

漢蔡邕文并隸書在廣西。以下見曹昭格古要論

西嶽書 唐李衛公布衣時。上西嶽書。蓋厭隋亂。其志奮欲有為。而咨之神明之辭也。其書亦佳。石刻在廣西。

羅池廟碑 唐柳子厚祠。韓文公作文。宋蘇東坡真書。

高州石屏記碑刻 宋洪邁文。朱希顏跋。刻於龍隱巖石室。此見

讀書巖 宋乾道九年。蔣時日新篆雙清堂三字。又有舊刻雪洞二字。以下見張鳴鳳桂勝

中隱巖 有篆書張公洞三字。

灘山雪崖 二真書。旁有佛像。下鐫唐僧智深為合浦令。呂興造佛像記。朝陽洞三

篆字。張孝祥書。水月洞三字。谿園居士書。谿園乃宋靜江倅吳億之別號。

雉山雉巖 兩大字。劉晞書。晞即里人。隱居辰山者。

南溪山 三篆字。玄巖洞 三隸字。觀音巖 三真字。劉仙巖 穿雲巖 三楷書。仙

迹巖 三楷書。

伏波巖 有靜江軍三大字。集賢殿修撰。熙河蘭岷路經略安撫。兼知熙州。鄱陽鍾傅

書。寶文閣待制。知桂州。兼廣南西路經略安撫使。鄱陽程節上石。正夏堂 三大字。

隸書。范郡范成大立睢陽杜易書。還珠洞 三大字。或曰張孝祥書。

七星山洞有李彌大仙李巖三大字

洞門上有方信孺遊四大篆字又有小書嘉

定甲戌七月既刻於栖霞洞

彈子巖之右有一巖其壁鑿有真書論語尊五美全章旁有跋云廣漢張公棧嘗大書於桂林郡之治事廳桐廬詹公儀之欲其傳之廣也命鏡諸石俾凡臨民者皆得目擊心存力行無倦庶不負聖人之訓淳熙甲辰冬長至日郡文學長沙陳邕謹題

龍隱巖石刻

雨華堂三大字東平劉無欲書任山僧慧澄刻

世節堂三大字嘉

龍隱巖

谿園居士四篆字吳億書

隱山石刻

招隱山三大篆書范石湖書

隱山二大篆書

北牖洞三大篆書

招隱二真書

潛洞二篆字

西山千山觀三大字嘉定五年李曾伯書

清秀巖三大字真書旁小書士美二字

空明山三大篆字月巖二大字嘉定五年胡伯圖書

疊綠山三大篆字。又有福真洞三大字。亦篆書。

千越山三字。橫列。自左而右。山下有栖真洞。及洞北門共九大字。皆用篆。

四望山。亦三篆字。不著書者姓名。然皆元晦時所題。鐫混沌巖三大字。亦篆文。

金石錄載唐桂州都督程元英碑。李邕撰文。張廷珪八分書。大曆七年五月立。以下見書

澤陰名

隋桂州總管陳莫穎墓誌。正書。無姓名。唐武德八年十月。

文獻通考。桂林風土記一卷。唐融州刺史權知春州莫休符撰。昭宗光化二年。

桂林志一卷。宋乾道五年。靜江教授江文叔編。時張維為帥。撰次刊刻。

桂海虞衡志二卷。府帥吳郡范至能撰。成。大自桂移蜀。道中追記。昔遜。

桂林盛事記。張仲宇撰。字德儀。紹興間人。與石安民相為引重。安民二弟安行安持。

俱能文。里人號曰三石。

興安縣乳洞題字。宋李邦彥名。上層曰飛霞洞。隸書。玉谿橋三字。又張孝祥大書。

上清三洞四字。

全州神仙巖題字。巖在州北六十里。為古神仙所居。有石刻幽徑二字。

義寧縣學題字。宋淳熙間。張栻知靜江府。嘗按縣至義寧。為書義寧縣學四大字。刻石見存。

平樂府昭平縣玉白泉題字。泉在縣西北十里龍門峽左。宋治平間。刻龍門峽玉白泉六字。

梧州府鬱林州碑刻。後漢鬱林養奮碑字。叔高和帝時舉方正碑。以初平四年八

月立。

金石錄

唐鬱林觀東峭壁上。崔逸八分書併撰文。開元七年正月立。

金石錄

博白縣將軍洞刻字。洞在縣南三十里。洞凡三重。石室虛明。中有石田。石龍。石廩。有溫涼泉。分為二派而流。石壁上。刻南州太守領將軍龐孝泰十字。

興業縣古州巖題字。巖廣數丈。巖中有潭。四時不涸。又東入一竇。有石懸下如鐘。扣之鏗然。石壁間有元和十四年來遊等字。

柳州府融縣石刻。真仙巖有宋元祐黨籍碑。採藍洞四面青山護列。洞中平地

如砥。石上有硃書採藍洞三字。

賓州領方山石碑。山在城東一里。古郡縣名皆因之。今設學宮處。有宋淳祐中進

士題名碑。

慶遠府河池州太平山刻字。山在金城江次巖上。鐫天下太平四字。

潯州府桂平縣永通峽刻字。峽勢極險巖。搖賊所出。沒明都御史韓雍討平之。原

名藤峽。舊傳峽口有藤大如斗。長數百丈。連峽而生。公命斷之。汁流水亦賊巢始沒。

正德十二年。都御史陳金奏改今名。鐫有勅賜永通峽五字於石。

貴縣南澗井刻字。井東有卷石。蘇東坡大書南澗二字。

南寧府刻壁。宋初范旻。字貴叅。丞相質之子。嶺南初平。旻知邕州。為撰邕管雜記

三卷。併刻療病方書。真諸廳壁。

隆安縣陽明洞石刻。洞在縣西北三十里。王文成公征思田時。舟經於此。刻陽明

洞天四字。又刻平南記一篇。

橫州戒石銘。銘在州南道。黃庭堅書。

上思州東香山刻字。東香山巖峻洞深。怪石層出入。洞者持燭照之。上有弄懷山

三字。

清 汪森編

題名 見桂勝

臨桂縣讀書巖題名。唐刑部員外郎孟簡元和元年三月三日遊。宋朝奉郎通

判桂州軍州事楊書恩政和二年九月晦來。孫觀北歸提點刑獄董榮招經略安

撫劉彥適轉運副使陳亮轉運判官趙子巖餞于蒙亭飯後登鐵牛寺塔徒步入藏

院觀無盡老人畫象初寮道人書榜及讀書巖所刻五詠晚集於靜寄紹興四年十

月十七日。淳熙改元冬常恭曾遊。開封王維則拉張信之啜茶巖下山王華公

預焉淳熙十年歲次癸卯七月十七日題。紹興甲戌三月二十七日。知府事呂愿

中訪顏氏讀書巖淪茗鼓琴裴回久之預者四人機宜劉襄監郡朱良弼司理葉仁

隱山題名。河內李曾伯再收桂之明年實開慶改元上命三衢柴士表視邊隘竣

事將還夏六月二十一日約憲倉四明豐滌兵帥汪光朱廣用符離朱煥載酒千山

觀訪招隱過仙奕感今懷昔風物固亡恙也時火傘張空水光蘸碧相與徜徉其間

清不受暑因得四十字并識諸石。治平元年仲冬十八日同魯國長源吳興彥聖



遊鴈門。質夫因題於洞之左崖。轉運使沈起提點刑獄章峴治平丁未仲冬十有  
二日同遊隱山。因訪武陵遺事。遂題於石。淳熙戊戌歲六月丙戌。廖季能置酒。約  
詹體仁張敬夫登千山觀泛舟西湖荷花。雖未盛開。水光清淨。自足銷暑。視北牖洞  
之前有勝地。體仁欲為小亭。名以招隱。敬夫北歸有日。不及觀斯亭之經始。獨預書  
招隱二字以貽之。招隱亭中。詹體仁約廖季能飲酒落之。水光山色。隱映萬狀。畢  
陳於樽俎之間。遂登北牖洞。捫崖剔蘚。得唐刺史李渤寶曆間題名。蓋西湖最勝處  
也。回視題扁。與石間留字。有懷張敬夫。矯首飛鴻。為之滿引。并以所書招隱二大字  
鏡諸石云。淳熙戊戌閏月下澣。招隱之勝冠絕桂林。淳熙五年仲秋辛亥。建安黃  
德琬廷瑞。昭武龔總會。叟延平張士侏子真。邯鄲劉乘晉。伯苦國宋虞卿元凱。瑯琊  
王文若謂之。長沙李達超宗。闕中馬寧祖。奉先泛舟來遊。鄭廷臣書。淳熙壬寅六  
月二十日。四明王正己伯仁。夫携孥來遊。桐廬詹儀之。以寒食休務。約郡丞陳昭  
嗣。李晉帥屬周環。滕頊。唐廷堅。葉子義。郡文學陳邑。蚤飯榕溪閣。觀青帶甘棠橋。歷  
覽西湖六洞之勝。時膏雨初霽。風日融怡。流峙動植。觸目會心。分韻賦詩。薄暮而返。  
淳熙十四年二月戊子。淳熙丁未七月下澣。詹體仁王仲寅孫楷仲觀。稼城西小

酌招隱亭。亭蓋體仁將潛時所建。俯仰十年。感慨賦詩。近暮乃還。北品劉愈聯韓

以孟冬初澣。約建安雷霆復之。桂陽姚宋佐輔之。木川劉伯源慶長。金華徐由己克

仁。號略楊芳懷英。圯上邵康年仲安。長沙曾倫長卿。安成彭世亨元泰。探勝湖上。屬

時久晴。風景怡暢。崇崖巨壑。萬狀畢陳。泛登升高窮所未到。相羊周覽。改席精廬。清

興有餘。孟行無算。竟夕乃還。寶淳熙丁未歲也。嘉泰元年秋七月二日。溫陵趙庚

西叔。徐伯嵩高叟。陳燦君顯。陳次山景甫。延平廖視明甫。李之有叔。則鍾安老定叟。

三山王復古興周黃士特仲。誼蒲陽傳誠至叔。顧祿韋叔業元澤。李成臨汀英雄。夢

錫建安劉學裘傳之同遊。經略安撫使蒲陽蔡敷定夫。提點刑獄公事延平廖環

季碩。轉運判官長沙吳獵。德夫嘉泰三年重九日同遊。計使括蒼管定夫。帥守巨

野李誠之。後先來桂。且久未嘗一武西湖。崑洞壬申初伏。始獲遊覽。自資慶腰輿上

千山。觀憩西峰中峰。隱山煮茗。談方外移時。泛舟訪招隱巖。竇幽邃。奇石林立。湖光

激灑。雲錦帶映。誠可賞已。而雷聲殷空。雲頭俄興。涼雨飄灑。四顧田野。綠秧濯濯。文

闕。嘉定壬申六月。下濤。括蒼管湛携家登千山。觀泛西湖。方孚若侍親屢遊。嘉

定癸酉。荷花鏡香。鼓棹觴吟。依約杭湖。白蘇如在。蒼崖玉立。澄潭環馬。枕漱其間。

二

又令人有蓬瀛想。賴曾原一盱。周子榮汴。趙希園時鍊洪范。得與淳祐十二年夏五  
潛洞題名。王壽卿。姚同卿。張子貞。子斐。黃德制。田子謩。王儀之。滕子正。乾道己丑  
中元日遊。淳熙辛丑夏六月望。天台王清叔約客於西湖之上。程伯莊。徐商老。張  
明仲。劉傳朋。張子真。李伯寅。魏重夫。王詠之。凡八人。於時背夏涉秋。老火益壯。紫舟  
叢薄。少憇是間。觴行笑歌。聲動品谷。夕景西下。冷風襲人。殊不知有暑氣。茲遊甚樂。  
書以記時。

西山題名。假守張莊禱雨茲山。

大觀年月

日。轉運副使權

經略安撫陳仲宜道夫。提點刑獄唐景夢傳。提舉常平陳中復。從道走馬承愛。陳昉  
明遠。同遊西山。飲於觀音院。登西峰閣。啜茶盤桓。抵暮而歸。政和改元。仲冬癸亥。轉  
運判官唐懋晉德題。

莆田李子凝。紹熙五年。嘗陪漕運方公。東遊嵩竇。西泛湖山。來一寓目。後餘二十年  
東閣檢詳。輶車游至。因籥後塵。千山爽氣。且復挹致。口口口裝東歸馬。嘉定甲戌。重  
九日書。河內李曾伯。長孺領客胡竇。端甫。李廷龍。東甫。管安昌。順甫。周應和。同甫  
同來。弟率任教忠子杓。姪根特。淳祐庚戌四月之十日。咸淳甲戌四月初六日。憲

倉九華章時發帥守同舍率興聯車遊西湖登山觀憩雲戶洞曠望幽尋景起雨  
得下文

中隱山題名 元豐二年八月十八日劉宜父曾公冕苗永孺僧紹簡遊 括蒼管

定夫蒲陽方孚若長樂陳孚仲嘉定癸酉重陽先一日來遊 詩境癸酉三月三日

遊詩境即方孚若之別號 蕭子敬向伯大王德強呂叔舉鍾德元張聖泳鍾長卿

王必大端平丙申下元前二日來遊 長沙鍾春伯豫章范旻端平丙申歲十月

既望前三日同遊 臨川羅愚淳祐辛丑中伏日約曹伯虎聶世用梁价魏牧楊羲

仲趙時頌陳曾注知幾翁崇櫛觀稼西郊至呂公崑泛舟覽湖山之勝觀石湖南軒

諸賢題字時雨初霽涼風先秋穡事可期因志其喜 陳鐸叔振周子榮景仁范德

輿民載趙孟道君啓淳祐辛亥前立春二日同遊

清秀山題名 龍圖閣直學士經略王公若愚與提點刑獄劉子至提舉學事唐夢

傅大張旌旆觀稼近郊烹今歲建芽於此遂過傲雲諸閣大觀元年五月十六日權

發遣轉運副使公事張莊正民題 杜唐臣張通夫王誠中張通甫董君佐姪聖程

聖欽元符三年八月旦同遊 欲騎日月起然之韻端臣獨題 公甫公密大觀庚

寅清明前六日遊舅叔侍。明叔仲明仁仲子源。靖康改元五月中休同遊是歲初

冬九日。明叔仲明子源同晉卿再來。時仁仲以母憂歸鄉。郡守呂叔恭以甲戌季

春七日遊中隱巖。山水之興未已。後兩日再拉機宜劉子思。監州朱國輔。經屬陳朝

彥。同至新洞。所見愈奇。真所謂倒食甘蔗也。嘉定甲戌六月六日。始遊清秀巖。呂

叔恭得此巖。亦甲戌歲。刻石猶可攷。莆田方信孺字若。嘉定甲戌歲立秋前二日。

盱江張自明誠子來遊。奉次詩境詩翁扉字韻。黃冠鄒次洪方袍清一同來。衡陽

太守裴夢貺祖塗前一日。魏彥濟陳景淵同遊。自新洞過龍隱。酌八桂堂。徧覽勝概。

為贖甲寅二月十有二日。張仲欽郭道深張安國同遊。宋元順清巖。

琴潭山題名。宋方提刑題云。孚若再至桂林。歷窮勝踐。最後始得清秀玉乳荔枝

琴潭四崑。而琴潭水石。又諸巖之冠冕。且川原平行。群峰環抱。愛之幾不能去。安得

此為菟裘地邪。嘉定甲戌七月二十日。同來李子凝張玉父林時可。子左廷左車侍。

灑山題名。曾布陳情苗時中劉宗傑齊諶劉誼宋元豐二年中秋遊。淳熙乙未

歲中秋日。廣漢張敬夫約長樂鄭少融玉山趙養民同遊水東諸崑。薄暮自松闌放

泊水月洞。天宇清曠。月色佳甚。因書崖壁。以紀勝概。臨江曾宏正崇仁吳漢廬

陵楊壽惠三山陳華子羽士李可道同遊于公邁公造侍淳熙癸卯九月望 桐廬  
詹儀之以淳熙戊申四月辛巳同臨賀別駕涂四友新欽陽守陳昭嗣前桂林郡文  
學陳邕泛舟訪水月洞登訔家洲時亭榭一新江山改色懷古覽勝觴詠忘歸後一  
月辛酉約幕屬陳邕唐庭堅雷霆憲屬陳東漕屬黃奕余偕劉三錫來尋盟 延陵  
吳宗旦宜之新安朱晞顏子淵冒雨泛舟遊朝陽洞以訪水月水色正碧洞月宛然  
無異望水輪於雲峰缺處舉盃酌月迺還紹熙改元授衣假 丹陽張金以紹熙甲  
寅正月四日集賓僚廬陵胡槻相臺王思詠吳門范藻臨川董居謹新安汪楚材郡  
人滑懋於報恩寺之脩然亭食已泛舟龍隱遂過訔家洲訪水月洞登慈氏閣從容  
竟日而歸桂林山水之勝冠絕西南易節此來雖去鄉益遠而公餘登覽心開目明  
歸思為之頓釋云 淳熙丙午先公吏部通守是邦戊申春拜欽陽太守時連帥桐  
廬詹二卿與先公為道誼交不以吏屬視一觴一詠莫不與焉疇累侍膝下年未冠  
今四十五載矣紹定己丑疇自零陵守蒙恩再昇節來南登桂林嶺四望簪帶宛然白  
雲何在情已不能自勝歲餘幸所部相安得以暇日携男輩游水月洞細覽懸崖上  
有詹與先公所識歲月愈愴然於中命成之來前曰汝知之乎先公自擢第至二千

石。歷欽貴徽三郡。俱有治狀。入拜右侍郎。輪對論中外吏治。苟且事。玉音嘉獎者數  
四。即下詔戒飭。未幾持浙西憲節。活毘陵京口江陰饑民百萬。至今人思之。蓋先公  
平日有言。任官無大小。食焉必思其報。今日能挈汝以遊此者。先訓之力也。汝謹毋  
忘。成之拱手曰。唯。請書之。紹定庚寅五月朔。男朝散大夫廣南西路轉運判官。疇百  
拜拂塵。孫將仕郎成之秉筆。吾閩衣冠甲天下。游宦於桂林者。一時為盛。經幕三  
山。卓樗子用。紹定辛卯菊節。會同里二十有一人。同幕趙繇夫仲至。林文誠公著。憲  
幕李邁用之。漕幕陳夢庚。景長。林應辰。振老。趙希鄂。仲韓。薛之鑑。明叟。奉檄至者。郭  
岳伯崇。陳該一彥。博方。禹錫。文瑞。李士煒。華國。趙必取。世穎。王震定。東父。柯楚。伯翹。  
林顥。景程。林機。次樞。鄭公望。希呂。調詮者。陳士吉。一卿。趙希璫。宗美。陳應龍。翔。卿。聯  
轡。湘南。登山。山。憩。簪帶。挹棲霞。七星之秀。薄暮。舍策。泛舟。由龍隱。涉。警。家。洲。夷。猶。水  
月之下。把酒賦詩。人物與眾山俱清。情無涯而樂亦無涯也。 贛。曾。原。一。汁。趙。希。圓。  
淳祐壬子。上。己。盤。薄。水。月。詠。南。軒。遺。篇。光。霽。熙。然。懷。哉。若。人。

雉山題名。 轉運使屯田外郎蘇安世與進士趙揚來遊。并男台文祥。文炳。文彥。文  
侍行。乙未三月二十三日。 大宋治平元年臘後一日。運判孔延之。具舟按部。因率

通判范子明機宜姚原道知龔州丁錫飲餞于雉山提刑余藻書品石以紀 武陵

張頡仲舉南上苗時中子居洛陽劉宗傑唐輔吳興劉誼宜父七月自真山觀來遊

元豐元年八月 轉運使朝散大夫直集賢院陳情權提點刑獄奉議郎彭次雲權

提舉常平奉議郎齊謹權發遣提舉常平通直郎劉誼元豐二年十二月十七日同

遊雉山巖寺留題 元豐辛酉歲孟夏二十三日君美會仲舉仲隱施元子期自壽

寧早膳泛舟晚飲雉山是日仲隱被旨還使湖南李時亮題 通直郎經略司管勾

文字李孝忠全叔永寧簿吳明彥周元祐二年九月七日來遊 元祐六年三月二

十四日自逍遙樓出桂江泛舟至雉山觀巖洞微雨不可登絕頂沂流過壽寧復還

逍遙置酒高郵孫覽溫陵謝季成連水孫傑荆渚朱衮宣城董必曲江譚拔劉璋同

遊 汴陽高士勤德修許賓元忠崇寧元年七月初四日同遊 程子立安撫邕筦

周公儀許元善范貴之張通甫張景通蘭大冲柳成甫李端臣洪仲逸程聖欽范少

房同通吏飲餞雉山崇寧壬午季夏望日 東都程建子立崇寧甲申清明前一日

挈家遊男徹術衍侍行 鄱陽程欽之率龍舒劉成之汝陽梁晦叔淄川范貴之臨

川徐伯應鄱陽萬彥亨劉長孺南康范少房南海張守道同遊雉山男昇侍大觀戊



子九月望日。張子修農子源王君錫宋義夫何由道。張方仲侯伯壽。饒客來遊。大觀庚寅九月二十一日。政和二年三月二十七日。南郡唐晉德携家遊。男鋼銖銓錫侍行。建安謝勳信都李温古原田永年。長沙裴曉。廣陵楚執規。淮海楊書思。政和癸巳孟春晦日同來。端臣適用聯襟。凌顛景。款幽叢。岑然吸酪。奴為無方。遊維摩丈室。蓋自生白。政和丙申季秋次朔。杜賢萬。劉資中。張方仲。自龍隱過雉山。政和三年三月二十日。清相唐孝稱宗。舉開封劉若愚。息夫。若水。幾道。乘暇登永寧閣。復飯雉山。紹興丙申重九日。元壽携家來。丙寅仲春十有四日。肥鄉胡彥温以職事。約東提鹽會。議蒼梧。桐廬。詹體仁。招三山熊景瞻。飲餞於雉山之禊亭。雨餘江山如洗。樽俎無復暑氣。檢校陳述。一別蓋六年矣。縱步巖。景物尤勝。勸酬散甚。豈偶來還勝於特來邪。淳熙十有一年夏五月甲寅。莆田李子凝。甲戌九月二十。八日東還。刑使檢詳饒別於此。豫昌李大異。帥桂之三年。勸農於廣壽寺。是日春和景明。天氣清淑。因從容禊亭。遍觀前賢鐫刻。過午而歸。通判程旸。胡槻。臨桂令斛邁。偕來。嘉泰改元仲春望日。

白龍洞題名。

假守呂叔恭。拉機宜劉子思。監郡朱國輔。經屬陳朝彥。自中隱。嵩過。

白龍洞。叔恭之子大鈞侍行。紹興甲戌季春七日。朱希顏慶元改元寒食。陪都運  
寺丞遊白龍洞。時牡丹盛開。小酌巖下。夕陽西度。並轡而歸。臨江曾宏正。淳祐癸  
卯閏望。同三山常挺。臨川吳湜。羽士李可道。來遊于公邁侍。淳祐庚戌。覃懷李曾  
伯。因勸農來此。得四十字。是日微風扇和。輕雲閣雨。千峰翠滴。四野綠秀。枝禽對語。  
春意點蕩無極。徜徉久之。緩轡而去。賓佐四明史偉之。廬陵曾瑛。眉山楊璉。東嘉林  
拾。三山卓炎子。廬陵王真孫。長沙胡盛。盱江周子榮。潼川楊枚。之。清湘滕處厚。續至。  
白龍山在桂城東南。登山之西而至其洞。深廣可數楹。石之穹窿。隱然若神物化  
去而留其迹。洞之名蓋亦舊矣。元祐己巳二月八日。上黨苗子居。歷陽高時仲。金陵  
李師正。黎陽吉鄰。幾乘暇以遊。愛其佳趣。因刻於石。以志其來爾。會稽關尉宗題。  
上饒盧潛禮。濟北段徵之。毘陵胡茂方。同郡樓元弼。武夸葉振卿。紹聖乙亥秋九月  
中。游遊。湘陰彭子民。陶達。王長孺。洛陽席賁。從詔使按部還桂。同遊白龍洞。己卯  
春。公輔公密侍親遊。春來此。政和辛卯。李春旬休日。南郡唐晉德携家同遊。男  
鋼。銖。銓。錫。侍行。政和二年三月二十七日題。李景言。王子舉。渭之昭。淳熙丙申立  
夏日同遊。陳正仲。詮。訖之官。王景醇。林亨仲。飲餞於乙卯仲冬。慶元丁巳立秋

後三日。同幕集觴於此。豫章王岳次山。溫陵趙庚叔初。長沙陳克仁壽卿。長樂陳昂中定謨。臨川楊文明仲藻。慶亭翟子登。歲在庚申。重五休務日。携家住尋嵒洞之勝時也。暑風清微。涼氣襲人。徜徉終日。不知夕陽之在山也。長沙李勣正臣。胡持正雅叔。唐嶸次山。朱佐君輔。蕭仲仁元之。嘉定甲子。端陽日。憩此。嘉定辛未。中元後四日。計臺臨汀楊公子直。復出按未歷之郡。憲臺括蒼管定夫。帥守濟北李誠之。載酒白龍洞。留款。先是去夏六月大暑。公初行郡。亦嘗觴此。夫仕而南。多鄙夷其民。怠忽迺職。使者間畏炎毒。未嘗一迹。按部公連歲犯暑。殆遍走二十四州。尊年精明。人所難及。父老有迎拜而問者。曰。使家壯也。何用而見用於遲晚。近也。弗留而肯留於遠外。吾儕嶺民。懷私惠而勤勞使家。一至於斯。公呼而謝之曰。上有命。老弗容辭。遠弗敢憚。懼我之矜汝者。或有未至。而汝之憐我者。姑置勿言。遂一笑登車。既行。勒茲語於嵒石。用告我同志云。東萊呂祖昇。長沙王濟美。自千山觀。聯騎來遊。嘉熙初元正月二日。

曾公巖題名。

元豐二年十二月初五日。權本路轉運使朝散大夫直集賢院陳倩

君美。權荆湖南路轉運使朝奉郎直集賢院朱初平。仲隱。權發遣提舉本路常平等

事光祿丞劉誼宜父同遊曾公品。時仲隱宜父瓊完體量安撫回歸任會此。盧約  
潛禮胡田耕道劉川子至。胡義茂修方樓。禹鄰元弼。葉世隆振卿。閻淳質。夫傳諒友  
冲益。方元哲允迪。紹聖乙亥初偕遊。朝請大夫直龍圖閣知貴州兼安撫經略胡  
宗回醇夫。朝奉大夫轉運副使程節信叔。朝奉郎提點刑獄曹輔子方。朝請郎轉運  
判官程遵彥之邵。承議郎提舉常平徐常彥和。紹聖乙亥季冬甲辰同遊。轉運判  
官周元吉寵遷。近部副使唐夢傳錢別遊。此提舉學事戴質夫。提舉常平陳從道預  
焉。大觀四年六月十八日。權知州事張莊正民題。時自妙樂來。從風洞轉魁龍隱  
江歸。先之道夫夢傳質夫從道明遠進德政和壬辰歲季秋丙子日。自風洞來遊  
曾公品。清坐良久。遂過龍隱。經略安撫蔡懌樂道提點刑獄尚用之仲明。庶訪使  
者張洵仁仲。宣和甲辰八月初八日同遊。湘陰彭子明彥修。建安劉川子至。西安  
留怙彥強。洛陽席貢叔獻同遊。曾公品元符戊寅九月二十五日庚午題。經略安  
撫劉彥適。轉運副使陳衮提點刑獄董昇。轉運判官趙子巖。富陽故侯孫觀。紹興四  
年七月十二日同遊。番陽汪恪。義安劉文。桐廬方洪。紹興戊辰六月二十有八日  
同遊。方城張淵道。晉陽路頊。扶。贛州曾吉甫。桐廬方務德。朝陽劉方明。同遊。曾公

巖紹興戊辰六月丁酉。唐蓬堯趙周材劉時舉方稚川王公休汪聖錫紹興辛未

二月二日同遊。淳熙五年廣漢張猷敬夫時以閏六月朔旦北歸湖湘前二日與

長安周椿柏壽來遊水東諸巖以致其欲去之意。賓客相追尋於山間者陽武万俟

立中不倚建安黃德琬廷瑞八桂張仲宇德儀蔣礪良弼唐弼公佐李化南夫延平

張士佐子真邯鄲劉乘晉伯長沙李揆起宗吳獵德夫宜春李逢源造道東萊呂脩

年永叔淳熙辛丑立秋後一日括蒼梁次張拉清江徐商老浚儀邢之美延平張

子真柯山李伯寅來遊當暑而寒劇飲不醉蔣子明王千秋謝長卿紹熙二年六

月晦日來遊鄭子壽倅清湘總檝過八桂姚山別行以嘉定己巳之朔旦偕前邵

陽令三山江信之來遊潮陽鍾大鳴赴廣東運司進士試莆田方信孺約同赴堯

山歸路過曾程二巖酌別於龍隱來日遂行玉筍山道士胡佺平偕至嘉定八年六

月晦嘉熙己亥重九日帥守建安徐清叟直翁繡使嵇山黃自明明仲同遊癸

丑十月十七日丘仁叟譚雄飛裴夢貺同遊高陽許慶元善弘農楊禹圭君寶辛

己歲季春廿九日同遊男許珪侍行謹題華陰楊損益老來自都城觀桂林山水

奇秀數未嘗見江都尚安國長卿於是拉金華姚弼中文發龍弟充國翁卿定國曼

卿宅相楊浚彦周輔相與徧遊崑洞登超然過八桂升雉山探風穴入栖霞捫七星  
濯纓於伏波烹茶於靈隱酌酒曾公崑中泛舟妙樂堂下自戊申至庚戌凡三日而  
後歷覽物外勝遊一段佳事也宣和七年歲次乙巳夏六月初十日書

龍隱巖題名

尚書外郎熊同文侍禁閣門祇候王貞白殿中侍御史俞獻可大中

祥符五年九月九日同來獻可書

廣南西路體量安撫使副余靖安道漕副熊文

友經略安撫蕭固幹臣轉運使宋咸貫之兵馬鈐轄柳涉公濟提點刑獄李師中誠

之馬仲方子正通判黃照晦甫是日遊風洞栖霞洞遂遊此嘉祐五年十月晦日題

趙璞書

大宋治平元年仲冬二十七日同轉運判官孔延之長源前安撫司勾當

公事姚原道彥聖新知龔州丁錚帶聲自壽寧院抵慶林觀少休風洞上登栖霞洞

却下漾檝泊龍隱巖行觴嘯詠日薄西渡提點刑獄余藻質夫因書遊覽之勝刻於

崖石

經臣張觀執中劉彝志康傅燮熙寧甲寅六月八日同尋回穴山飯於是崑

酌石乳之溜試北源新茅香色相得皆絕歎賞數四遂同舟以遊風洞權發遣轉

運使尚書屯田郎中直集賢院張頡副使殿中丞苗時中提點刑獄太常博士劉宗

傑管勾常平前江山丞劉誼元豐元年八月二十四日遊龍巖起居舍人龍圖待

制知桂州兼廣西經略安撫使曾布。權發遣轉運使尚書度支郎中直集賢院陳情。權副使殿中丞苗時中。權發遣提點刑獄太常博士劉宗傑。權發遣提舉常平秘書丞齊謀。管勾常平前江山縣丞劉誼。元豐二年二月十日遊廻穴。南豐曾布。己未。上已盡室。經日歷覽東觀。巖穴之勝。遂遊雉山。南豐曾布。甬上苗時中。洛陽劉宗傑。歷陽齊謀。吳興劉誼。元豐二年四月二十日同遊。熙寧六年。轉運使張覲。經臣提點刑獄李宗儀。唐輔。馬化德之。轉運判官杜璞。元珍。提舉常平闕杞。蔚宗。傅燮。志康。議事於桂林。□月二十九日成書。過廻穴。察訪廣西公事。許彥先。覺之。題。比部周應期。□□陳大順。判官張□□。進士林豐□。熙寧七年六月初八日同遊。朱子文。劉伯宗。元豐初年六月二十八日同來。朝請大夫直龍圖閣知桂州兼安撫經略胡宗回。醇。夫。朝奉大夫轉運副使程節信。叔。轉奉郎提點刑獄曹輔。子方。朝請郎轉運判官程遵彥。之。邵。承議郎提舉常平徐常彥。和。紹聖乙亥。季秋甲辰。同遊。朝散郎經略安撫使司勾當公事盧約。瀛州防禦推官管勾書寫機宜文字胡茂脩。和。州防禦推官權管勾機宜文字樓禹鄰。州錄事參政勾當公事葉世隆。紹聖壬午七月遊。信安留怙彥強。江夏黃忱。君錫。零陵陶遠。由聖弟適鄰之宣城。侍其鉉。布聲。

洛陽席賁叔獻元符己卯正月十二日同遊龍隱巖 壽之赴官合浦道出桂林遊  
龍隱巖伏觀先君經略龍圖留題不勝悲感元符二年九月旦日第三男供備庫副  
使新差廣南西路兵馬都監兼知廣州軍州事張壽之謹記 新定許端卿中甫雅  
有崑洞之好被召歸刑曹鄱陽程節信叔歷陽張景溫敦直全魏董遵守道酌別於  
此而中甫眷眷有惜去之意元符庚辰五月十九日題 鄱陽程節曲江譚拔臨川  
魏蒙全魏董遵廬陵曾正建中靖國元年寒食日同遊 天下洞類多幽陰或遠水  
清韻不足龍隱巖高而明虛而有容復臨深溪大概似碧落洞而登覽之富則過之  
建中靖國元年臘晦日譚拔題 譚拔周冕杜奎張權張元穎錢孝彥李彥弼洪彥  
昇程鄰周刊范瑄曾定求辛巳臘中漸同遊 顯謨閣待制經略安撫使王祖道若  
愚權發遣轉運副使公事張莊正民提舉常平等事索述宗理權發遣轉運判官公  
事陳邁亨伯崇寧五年八月十有九日 若愚宗理亨伯正民崇寧五年聯事桂林  
屢遊崑洞將紀於石八月下漸日宗理亨伯正民□□□□未成而偶得此遂題  
韋公輔委胥士穎孫祖德劉與呂會食崇寧登轉魁觀風洞歷曾公崑泛舟之龍隱  
晚酌於駮鸞閣大觀庚寅十一月二十五日士穎記於石 朱輅國器韓靖安道社



綜公實戴孚中道純周裕若德李伯脩時敏政和改元孟秋既晦遊曾公巖登風洞  
浮江下龍隱披暮而後歸陳仲宣道夫唐最夢傳戴安仁質夫陳中復從道趙淵  
深之唐懋晉德政和辛卯九月十有三日同遊龍隱巖建安謝勳古原田永年長  
沙裴峴侯延季義柳杜傑淮陽楚執規楊書思鄱陽張瑞臨川劉芑政和三年二月  
二十九日自東禪泛舟過龍隱巖劉鑑蔡懌呂汴馮元震侯材王蕃宣和乙亥仲  
秋二十三日同遊魯郡尹溫叔挈家來遊日暮乃歸男穡侍行建炎庚戌六月上  
澣少隱置酒脩然會公弼景淵似矩餘晉擊舟絕溪遊龍隱巖酌乳泉煎沉水解  
衣盤薄久之過栖霞晚復集於寧壽紹興五年三月初十日建安陳景初襄邑  
鄭安恭于禮莆田吳贊仲一溫陵康寧元壽昭武饒浚明彥觀方城范按辰公任全  
魏王拯濟翁吳祖憲叔章觀梅郊外早會於脩然亭啜茗於此晚集信善寺紹興乙  
丑臘前一日題元壽携家遊疊嶽到八桂堂陶家園栖霞洞曾公巖風洞午食龍  
隱晚集雉山過於家園歸紹興丙寅寒食前二日明道質夫吉甫務德方明紹興  
戊辰六月十一日同遊楚東汪恪端中潮陽劉汶昌更桐廬方洪稚川紹興戊辰  
六月二十八日同遊叔遲將歸上饒于毓素仲稚川餞別於八桂堂放舟遊曾公

公龍隱之巖。舉觴相屬。悵然有離去之歎。紹興己巳正月。中濟。桐廬方滋務德清。湘唐時逢堯。廬陵劉彥登允升。莆田戴緯對甫。□□王忠臣子厚。臨川劉振時舉。楚東汪恪端中。雒陽李津元映。□大梁□□□□□紹興己巳春。社同登龍隱巖。吸建溪新茗。遂過遊曾公崑。朱景通將之石龍。黃繼道董全老解官。憲幕王師孟唐元簡。邀方稚川劉孟公。餞別於脩然亭。飯罷遊龍隱巖。過栖霞洞。登山臨水。離思黯然。抵暮還湘南小酌。紹興庚午九月既望。唐逢堯趙周林汪聖錫劉時舉王公休方稚川紹興辛未六月二日同遊。後五十一年紹興丙子十月初五日。轉運判官王孝先來遊。恭覲先公經略尚書舊誌。驚歲月之逝。想風木之悲。揮涕而書。謹勒諸石。開封蔣公被旨廣西幹事。因遊諸洞。至此少憩。建武劉文舉偕行。改元隆興季秋初七日。命燈存思書於石。記他日觀。七閩孫師聖黃壽之。江清卿。修卿陳啓宗。黃升卿。張子真。子斐。王公左。謝少魏。乾道丁亥六月。上休。自七星聯鑣過程公崑。小集龍隱。之舟由朝陽以歸。師聖子德卿。壽之子希呂侍行。金華朱紱。永嘉周去非。直夫。豫章簡世傑。伯俊。西洛王子暉。晦叔。廣漢張杓。定叟。定叟之甥甘奕。可大來遊。壬辰三月晦。淳熙十三年冬十月己亥。桐廬詹儼之。開封王寅。祖姑蘇孫詔遠。職

事之餘。來遊龍隱。是日大風。重表不暖。俯仰久之。至晉為聳。淳熙己酉中元日。李景淳。徐體仁。劉益仁。來遊龍隱巖。樂水石之勝。徜徉久之。桂林崑洞。龍隱其最也。下有潭。泓澄縈紆。貫於巖腹。世傳昔有龍蟠伏其間。因以名焉。公餘。同廬陵曾天若。婺女呂祖平。新津童世儀。建安劉源來遊。得二十八字。紹熙改元十月吉日。新安朱晞顏。慶元戊午正月八日。集松關之備然亭。既而拏扁舟。延緣過龍隱。為水石更酌。及暮。登新橋以歸。董世儀子羽。王珉德貢。熊思遜。諫甫。呂大信。不約。曾三畏。無過。武居仁。榮叔。王琳子休。饒祖堯。述古。楊相。魏翁。劉麵。習季占。楊汝明。仲藻。魏璋。廷珪。劉正之子正。余棟。林華。高正。臣治。表趙善欽。欽之。趙師撫。聖從。記行。閔景駕。喜而來。與者。趙彥琳。仲正。魏郡王子羽。公飾。臨江劉正之子正。廬陵李如圭。寶之。豫章黃銖。公權。慶元戊午中秋前二日。來遊。臨流班坐。洗醖更酌久之而去。嘉定己巳。合沙黃師淵。子仁。師騫。子孝。師哲。子興。師參。子魯。師雍。子敬。鄭潤。輔。濟。仲。同遊。嘉定甲戌立秋後二日。詔國趙善淇。衛叔。假守玉融。因獲登艦。同遊螺川。李卿。月子。西。鄒山。朱煥。德和。男。汝。峻。侍。曾全。洪友成。朱鉅。朱鑑。潘澗。劉天成。趙必益。必矩。嘉定丙子十月朔。同遊龍隱。嘉定丁丑立秋後二日。昭武鄒應龍。景初。南口吳純。口德粹。

廬陵曾煥文卿同遊

右文殿經略安撫廬陵胡觀伯園提點刑獄吳興內及言子

及轉運判官括蒼沈實茂揚嘉定十四年季冬十有四日同遊龍隱時茂揚已有星

郎之命嘉熙戊戌歲七月癸未龍溪顏頤仲景正還長沙鍾震春伯登湘南樓過

脩然亭浮灘江訪龍隱窮栖霞冷水諸洞之勝羽觴滿引角巾相羊時以令休乘暇

幽尋超然物外髣髴乎日月華君之與遊也淳祐丁未季秋中漑長洲陳信伯苦

溪朱應元以幕府休暇日自癸水之舟來遊龍隱流泉恆石天巧地靈老桂秋鄉風

清日美人世之仙境也河內李曾伯長孺同賓客溫陵錢宏聲父清湘趙富夫俞

仲長沙楊允恭謙仲三山黃應雷叔震眉山楊埏子西臨川鄧淳德粹衡陽陳彌壽

仁父以淳祐庚戌二月中漑來遊是日久雨初霽風日和美相與享泉瀹茗而去曾

伯因為先世遺墨拂塵期而不至者巴郡稅與權巽父朱埴侍二親來觀寶祐戊

午冬閩中朱祺孫以景定庚申帥嶺右屬南邊倣擾之後惟征惟築日不暇給賴

朝廷威德年穀屢豐邊鄙不聳盜賊衰息咸淳初元春諫蒙恩召歸行有日領客任

忠益楊恪趙與植朱景行文有年胡斗元管文發蔡文周拔王煥陳堃王公及來遊

男皇侍古壽呂師夔虞卿以咸淳八年被旨收桂明年夏五叨召東歸乃率偕行

者壽諸石。江陵李直清寅之。九江周德一宏英。合沙周舜夫景舜。古敏方端夫正仲。光山胡文舉公選。臨濠孫揚武景武。孫振武景文。壽陽楊震孫東叟。程遙達伯淮。合肥翟國寶君端。子元直。元仁。元愷。元方。元哲侍。咸淳壬申嘉平中。衡山熊桂崑伯。長沙嚴龜應之。廬陵管浚發李源。衡陽尹可繼子善。八桂崑洞為天下奇觀。同谷李興九華章時發臺閩餘閩。躍馬汎舟。仰堯山之高。挹諸崑之勝。時和歲豐。與堯民共擊壤云。咸淳甲戌上巳後十日。

劉仙巖題名。晉陽路質夫桐廬方務。紹興己巳二月十四日。同來往崑道民郭

□勒石。提點刑獄公事。延平張維。經略安撫使。歷陽張孝祥。以會慶節。祝萬壽於

西山資慶寺。飯已。登超然亭。遂遊中隱崑。白龍洞。劉公巖以婦。客長樂鄭顥。江文叔

吳鑑俱來。乾道元年九月二十二日。嘉定癸酉。先瑞慶節之一日。經略安撫管湛

提點刑獄方信孺。轉運判官陳孔碩。既斬勾萬壽於道釋宮。因探洞。過劉仙巖。是日

秋色澄霽。

伏波巖題名。知桂州兼經略安撫陸誥。提點刑獄公事余藻。轉運判官孔延之。兵

馬鈴轄白均徐印新。知鬱林州姚原道。經略司勾當公事劉恕。治平二年立夏後二

日會於此藻題 南陽達夫會稽尉宗清江志康熙寧壬子八月望日同遊東嵒

潘景純米叢熙寧七年五月晦同遊 龍石會人龍圖閣待制知桂州曾布子宣轉

運使尚書度支郎中直集賢院陳倩君美副使殿中丞苗時中子居提點刑獄太常

博士劉宗傑唐輔提舉常平祕書丞齊諶子期管勾常平前江山縣丞劉誼宜夫元

豐二年六月初三日同遊伏波嵒 建安陳倩吉水彭次雲曆陽齊諶吳劉誼元豐

三年十二月二十四日同遊伏波巖後二日大梁和斌獨遊王軾題 曲江譚揆弟

拱抃湟川蕭汝朗同游紹聖丁丑孟秋二日文初題 朝請大夫直龍圖閣知桂州

兼經略安撫胡宗回醇夫朝奉大夫轉運副使程節信叔朝散郎提點刑獄梁子美

才甫奉議郎提舉常平譚揆文初累會伏波東巖茲嵒勝絕在桂林洞穴之上其蒙

亭之本末景物之交會已載經略司管勾機宜文字黃邦彥之記云紹聖二年十月

二十二日管勾書寫機宜文字胡義修奉命題 潞汾程子立被命西邕兼將黃忱

君錫餞別於蒙亭時元符己卯孟夏既望 鄱陽程節信叔曲江譚揆文初臨川劉

蒙資明全魏董遵守道廬陵曾鎮次山自八桂堂過伏波嵒啜茶遂遊龍隱洞辛己

清明前二日謹題 乙未元日端臣隻遊 曹聖邁黃彥劉秉文李端臣蹠蹠青輿

粵西叢載 卷二 十二

穿綠楊。擷芳落。挹滄澗。與春工相忘。無何鄉。政和丁酉。絕烟節。清源劉鋹。逢時膠  
州蔡懌。樂道。晉江呂汴子會。祥符馮元震。亨之。襄陵侯材。晉卿。蒼溪王蕃子宜。自湘  
南樓之舟。過伏波嶼。避暑抵暮而歸。宣和己亥六月十六日。李昇之。譚振尚肅之。  
黃鐸同遊。桂林富有巖穴。而盛暑易於來遊者。惟東嶼冠之。宣和庚子六月二日。  
三衢毛子嘉。奉天台周文虎。睢陽張君原。四明林比氏。巴陵黃師心。三衢徐伯材。會  
飲於此。翌日天台周彥佐。復携酒與昨諸公偕來。獨文虎伯材不至。而宜陽吳廷貺  
與之。建安練山甫。補官。宣和乙巳寒食前二日。携家來遊。子宗家宗元。孫應待行。  
甥潘希孟奉命書。經略安撫蔡懌。同提點刑獄尚用之。轉運判官黃鐸。轉運判官  
曹邁。提舉常平王舜舉。廉訪使者練山甫。早飯靈隱。過曾公巖。栖霞風洞。程公嵩。  
晚會於八桂。泐波巖。抵暮而歸。時宣和乙巳季春初十日題。晉江呂成之。詣樞  
府。票議紫州李域。建安呂著。長沙李服休。都嶠陳覺。湘潭吳蒂。飲餞於泐波嶼。時靖  
康初元季夏四日。孫仲益自桂山還。晉陵桂帥率二漕憲車。餞於八桂堂。劉立道。  
陳景淵。董令叔。趙少隱。與焉。紹興四年十月二十一日。潮陽劉昉方明。自蜀還鄉。  
過桂林。寓八桂堂。沿舟泐波巖下。追念昔為兒童。侍先子官於此邦。始至以政和乙

未之秋。而其去以宣和乙亥之春。今三十年。恍如一夢。感歎之餘。因識巖壁。庶使後  
有考焉。男汶。渭。濬。孫男駒。駢。鸞。鵬。鴻。外孫葉。驥。衍。行。紹興戊辰六月中。游。方明以  
戊辰六月念八日。登舟東歸。翌日解維泊雉山。又翌日。聞命復帥湖南。遂還八桂。辭  
不獲命。改轅而北。以十月二日啟行赴鎮。是用再勒于前題之左方。浚儀張璩溫  
之被命前來。經略施大資止之八桂堂。五日復還武陵。因暇縱步來觀。是巖紹興丙  
子未伏前一日。拱南鄭子禮。挈家來遊。隆興甲申中秋日。林得之置酒喜豐堂。劉  
子思。滕子昭。蔡濟忠。張安國。林德光同集。乾道元年臘月。宋公玉。歸豫章。王壽卿。  
姚周卿。田子謩。張子真。子斐。程善道。黃德制。王儀之。滕彥真。飲餞于此。乾道己丑六  
月十七日。秦舜卿。李南夫。淳熙甲午重陽日來遊。淳熙丙申三月九日。王千秋  
袁。清。之官秦寧。王登。史。李壽言。劉。李靜翁。徐體仁。官達。鄭。鄭。陳席珍。謝  
長卿。李子。呂伯。餞於癸水亭。干。中。干乘與焉。方信孺。楊志。李閔祖。嘉  
定同遊。嘉熙改元初伏後一日。長沙雷文瑞。祥仲。趙師。鐸。舜臣。劉應定。直甫。羅仲  
孺。巨卿。黃岡。徐敏子銜。命。措度。南州。館。巖於巖側。四明戴。長沙。韓。夢。發。寶。嬰。周  
翦。星。著。馮。弼。外孫上饒。尤日新。侍。時。淳祐丙午仲春下。游。淳祐丙午立冬後七日。



廬陵劉受祖之橫槎。惠祖之蒼梧。職舟伏波崑下。蘭谿趙立德成。以寶祐甲寅歲

閏六月十有一日。携家東歸。職舟還珠洞。至二十一日。遊徧諸巖洞。即行。長沙胡

德新盤叔。泛灘歸湘。猶子克紹。同資中郭。又新居安。及鄉人周德明清叔。梁世賢國

佐。鍾魯子浚。鄭益謙遜伯。飲餞於水亭。裴回崑下。笑談竟日。執別烟雨中。寶祐乙卯

元宵後一日。覃懷李曾伯長樵。以淳祐己酉來牧是邦。越十年。再開制閩。屢至此

洞。每輒煮泉瀹茗。裴回竟日。令人起清新濯纓之想。不知身在飛鳶點點墮水處也。

蓋蓼山帶水。勝絕天下。而此洞又居蓼帶之勝。舊有癸水。因城築舍。更為之。男杓杞

籽。孫國華侍。景定庚申首夏二日。謹識。眉山宋景行。以咸淳戊辰十二月三日。登

舟於此。吳興陶定安世來遊。甲申冬十一月初。張唐輔吳正禮同遊。劉舜舉

張子容。子真。子安。胡宗周同來。庚寅三月中。游。

七星山題名。河間余獻可。上谷燕肅。趙郡李誥聖。宋天禧二年秋月中元同遊。

慶曆四年甲申九月二十三日辛巳。廣南西路提點刑獄尚書虞部郎中隴右李

永德。尚書職方員外郎知桂州汝南周駿。尚書都官員外郎新知永州榮陽潘儁。轉

運判官太常博士安定梁戴同遊。曹聖延。李端臣。躡雲路。摩星魁。倚筇少憩於此。

丁酉七夕前三日。經略安撫蔡懋樂道提照刑獄尚用之仲明。庶訪使者張洵仁。仲宣和甲辰八月初八日同遊。紹興六年丙辰歲上九日。八桂龍躍升。宛丘唐全同判仙李記到此。因而刻題。方城張淵道。晉陽路質夫。贛州曾吉甫。桐廬方務德。潮陽劉方明。紹興戊辰六月丁酉。同登七星山。紹興丁丑正月乙巳。府縣官屬汝陰張好禮定叔。開封李喬元傳之。睢陽王處存子安。洛陽楚偃師言。長沙吳延年。永錫壽春魏美言。李及。溫海戴子琦。君美。清江楊禔正。伯休。務相。從尋春於訾家洲。訪程公崑。入栖霞洞。憩於黃氏之園。極一時觀遊之勝。繼至者二人。開封賈戒之。公戒柯山陳梁伯初。余素有山水癖。游宦江浙。逾二紀。明峰繡川。歷覽幾盡。飽聞八桂崑洞之奇。恨未能一到。得郡鬱林。因携家謁清惠祠。泛舟過龍隱。食已由曾公巖入栖霞洞。洞深窈窕。數里不能極其涯。既出。相羊石扉。宴坐終日。有野雲飄素練。群峰錯蒼壁。超然頓忘俗慮。信壺中有天。語非虛誕。又疑飛空步霧。乘風駕鶴而來。想仙島蓬宮。不異此也。隆興初元七月十七日。三槐王定甫之書。會稽諸葛國瑞。永嘉林騰遠偕行。乾道癸巳重九。吳人章潭。筵道范成大至能。携家同登七星山。遂遊栖霞水月諸洞。鄭少融。趙養民。李正之。范至能。落壺天觀。還會碧虛。淳熙元年。范

至能赴成都。率祝元將王中顯游于明林行輔周直夫諸葛叔時酌別碧虛。淳熙乙未二十八日。增城崔公正子被旨奏事。以癸酉上春下泝舟行。先一日括蒼管定夫濟陽李誠之會飲於湘南樓。已而遊屏風彈子峒。栖霞洞。泛舟龍隱。歸集於脩然亭。時積雨新霽。風月較美。清流碧巘。隨處莫不呈獻。特為公妍。黃童白叟。夾道相與。咨嗟。蓋公持憲甫春年。而行部之日居半。未嘗足歷品洞。及茲召行。肯為一日留。酒行加歎曰。天下巖壑稱誦此地。誠亦希有。人生臭味投合。此會良未易得。景物人情。覺相愛戀。此意尤難忘。其為我鏡。此語於品石。他日以墨刻寄。似亦足以慰所思云。故書。莆田方信孺。嘉會七星山。嘉定。陽月來。呂偉信留桂林五月。凡山水之勝。無不登覽。於其行也。蔡顏仲具酒。率韓弼時。蔣商澤同遊。以別陰雨淒涼。倍有離群之念。癸卯九月二十日。淳祐辛丑六月二十一日。昭武謝遠叔達。金華劉泳清叔。臨川羅愚季能遊。江右蕭解。曹明年。周復朋曾遊。萬必達。淳熙改元仲秋九日。獨步壺天觀。回憩碧虛。伏讀鄭君事績。長數二真景昔時之集。今獨何異於愚也。敬書。

玄風洞題名。

程節信叔。張景溫敷直。董遵守道。許端臣。中甫元符三年五月十九

日遊。政和壬辰季秋丙子。經略安撫使王先之。邀轉運副使陳道夫。提點刑獄唐夢傅。提舉學事陳質夫。提舉常平陳從道。走馬承受陳明遠。轉運判官唐晉德。金集東禪寺。飯於安樂堂。煎茶少憩。遂過玄風洞。宜春曹邁聖。廬陵李彥弼。端臣。凌商。衡。絕。湍。桴。桼。隨。車。之。霧。潤。探。空。穴。之。薄。膚。於。是。七。雲。子。甌。酪。奴。討。文。園。之。菁。英。研。道。樞。之。虛。無。恍。契。夫。禦。寇。之。冷。然。歎。翔。乎。寥。陽。之。清。都。政。和。七。載。丁。酉。七。月。上。澣。日。李。昂。霄。奉。命。書。來。風。亭。落。成。少。隱。置。酒。會。者。幾。人。立。道。景。淵。令。升。汝。弼。仲。益。紹。興。

甲寅七月十一日。

彈丸山題名。括蒼梁安世題云。諸崑多奇觀。獨少寬平縱步之適。惟彈子崑前有地百餘畝。水竹窈窕。環以遠山。經略眉山劉公焯。始買地為園。隔橋築亭。仰觀崖石。如坐冷泉。對飛來諸峰。遂為桂林勝遊之最。淳熙庚子仲秋日。會於靈隱亭。登舟貫龍隱。得雨甚涼。沂流酌於水亭上。醉荷香而歸。江西鄉人同仕於廣右者。十有二。李蹊成叔。郭有憑。充誠。潘修文。叔。李石韞。王徐夢。辛商老。王瑛。李文。張坦。明。仲。蔡。誦。子羽。陳公景師。宋。魏沐。薰。父。王。思。詠。詠。之。孟。浩。養。真。淳熙重光。亦奮若。仲秋中。澣。講。鄉會於湘南樓。過彈子崑題石。淳熙九年歲在壬寅暮秋初吉。七閩熊飛景瞻以。

憲事行部。至桂林與鄉人宦遊者李墓東暉李攔伯廣王葵欽之陳閱周卿上官駿  
子聲鄧夏卿仲華吳三錫寵卿吳榮漢老楊延季洪卿陳璧廷珪鄭寔希聲潘元震  
子聲陳光祖昭遠吳孝友次張趙冲虛中莊漢輔李良蔣孟震震卿朱木仁叔陳鷹  
定夫會於諸洞以續庚子之盟與者濮陽馬演李長青社錫良弼傅鳳臨川蔡詵子  
羽桐廬詹體仁三山林息偶遊龍隱曾公栖霞彈子諸巖洞天霽氣和徧祥終日  
第憲車行部不得同此樂也淳熙乙巳正月中泚莆陽陳謹正仲自三城辟守懷  
澤就銓計臺仲子璉侍行臺府賓佐移尊水東盤薄松闕歷覽曾公栖霞彈子諸巖  
洞同遊者十二人北嶽王宗孟景醇泉山趙庚叔初林子蒙亨仲廣平李正夫頤老  
廬陵董世儀子羽建安鄭繼勳少周劉褒伯寵臨川楊汝明仲藻西安徐詡叔虞金  
華宋姓茂叔新安宋權聖與長沙李魯玉伯溫時連雨忽霽寒氣亦斂景物呈靈極  
驩乃歸慶元冬十一月二十有六日開禧改元季冬中泚東都趙善基作肅領兒  
曹汝洌汝瀧汝漫汝渲來遊壻昭武謝寧孫鄧友直外孫謝漬鄧鈞侍行後一年清  
明前十日趙作肅并同妹壻譙陽李昭田子述祖外甥李浩中直李濤清叔及親戚  
朱徽明卿舊同官周信誠甫徧徃數刻而歸

屏風巖題名 經略安撫蔡懌樂道提點刑獄尚用之仲明。庶訪使者張洵仁仲宣  
和甲辰八月初八日同遊。桂林巖洞冠天下。而此巖最清絕。又五嶺之冠也。延平  
鄧公衍彥達。宜春藍岳文穎。秦臺西門賞進賢。平陽丘阡仲通。建炎戊申天中節日  
來遊。經略安撫建安周與道提點刑獄江東程巨用。庶訪使者開封侯晉卿。建炎  
二年十月初五日同遊。飯罷乘興遊栖霞洞。許中南遊慶林來此。庚辰六月廿八  
日題。李似之林德充許師仲兩仲同來。乾道丁亥十一月廿有四日。明年秋七月  
甲子。師仲與二水唐德柄三衢劉公實復來。後三日再至。經略安撫使范成大新  
作壺天觀。提點刑獄鄭丙落其成。轉運判官趙善政提點坑冶經略錢守大正同集。  
淳熙改元十月十日。夏彥洪淳熙甲午仲秋題。淳祐丙午復亨之明日。永嘉翁  
安之恭父寶婺章文之文叔。開封劉必聞達可。廬陵郭有道景泰左護忠父。盱江黃  
應龍正父。周子榮景仁。縉雲潘景丑孟清。江龍奎沃定。同飲錢南海錢益良輔於簪  
帶亭。乃由栖霞步曾巖。登辰山重會於此。是月也。瑞雪翔空。愛景騰耀。群玉獻狀。沃  
野如繡。滕馬良集。於是乎書。

登綠山題名 安南桂管宣慰使馬日溫送馬祭酒上後。因遇吳王三人同遊此洞。

元和九年春四日題。

南豐曾布子宣浦城陳情君美符離苗時中子居永安劉宗

傑唐輔。歷陽齊諶子期。長興劉誼宜夫。元豐二年六月初三日同遊。建安謝勳。信

都李温。古原田永年。淮海楊書思。政和三年癸巳二月二十四日遊石門洞。淳熙

戊戌春分日。桐廬詹儀之體仁。與僚屬來遊。王登史。王俊仲瑤。周邦弼直卿。鄭鄮

夢授。開禧丙寅寒食日。浚儀趙善恭作肅。領兒輩汝洌汝瀧汝湜汝澣。壻武陽謝

寧。孫鄧友直來遊。外甥謝資鄧鈞侍行。吳穎仰。方夷吾。子容。劉孟公來。辛未三月

丁酉。

千越山。有唐貞元間吉州康司士義興房丞江陵韋隨軍。皆以所鐫字滅失其名。惟

前進士陶立言。則可觀者。亦當時來遊之題名也。

竇積山華景洞題名。嘉祐三年秋七月。安撫兼經略刑部郎中直招文館知桂州

蕭固幹臣。轉運使金部員外郎王罕師言。因宴北郊。語臨桂令梁庚。聞萊地得一

古洞。有刻曰華景。其石壁。唐桂州刺史御史中丞元晦巖光亭詩在焉。乃會昌五年

四月十日題。蓋武宗之乙丑年也。其無沒則不能審於何時。逮今踰百祀也。而復新

之於師言。且洞無情物。爾而得幹臣師言而興生靈者。其興又可詳矣。復再踰月十

有六日。幹臣師言。與提刑屯田郎中宋咸賈之。同提刑文思副使王璠彥溫鈐轄供備庫使李繼明嗣昌。通判屯田員外郎周約中立。復遊於是。賈之因本所以然而書其崖云。提點刑獄李師中。前瓊守謝鴻。郡丞黃照。幕下孟庭堅。段惟修。周倫。會此品下。嘉祐辛丑正月十九日。兵馬都監閻紳。君儀。筦界巡檢劉永世。延之。知興安縣下玄冲道淵。熙寧甲戌孟冬初六日會此。似槩景淵令升少隱公弼同來。熙寧五年閏二月初十日。嘉定癸酉長至前四日。方孚若。還管定夫。陳膚仲來觀。膚仲書榕臺二字。贈主人。使鏡之。嘉定七年夏五。江西張自明。與定武趙尉來遊。寶積山三篆字。在今傍山居者屋後石壁。因言壁側有呂公品。榕臺亦在其地。虞山韶音洞題名。淳熙乙巳九月二十有九日。大閱前一夕雨。會朝開霽。旗幟明。人馬盛。努力勁。皆新創也。士練有素。各以技逞。寶一時壯觀。張拭題。桐廬詹體仁。以明日招三山。能景瞻。林德隅。出郊。歷韶音洞。登釣臺。天氣增爽。言宴清適。儘可人意。屬景瞻有移節江東之命。舉酒相屬。又使人不能無悵然。

辰山題名。趙悅道。翁子東。李叔逢。余仲庸。鍾定叟。嘉泰甲子月夕前七日來遊。

穿山題名。廬陵胡仲威。伯圓。約。張維翰。和甫。陳次賈。倪俊。來遊。嘉定五年口月。



端平丙申七月。長樂趙師恕不以將受代。賸此嘉登之勝。僚佐之賢。上瀝日邀慶。元劉椿壽卿。蒲陽王太冲元邃。

望夫山題名。廬陵劉彥登允升。通判靜江。秩滿還朝。以紹興己巳二月六日。啓遂連帥祠廬。方公載酒酌別於城北郵亭。翌日。又命僚佐作餞。為終日之集。會者十有四人。清湘唐時逢堯。莆田戴緯對甫。臨川劉振時舉。邗陽董璘審言。萍陽鄧建義。成。真定賈傑次之。夷門王邦翰憲卿。番陽汪恪端中。雒陽李津元映。程祐之申甫。陸庚。□□。豫章黃拱辰贊甫。建安胡實止虛。同安朱彥德繼善。

清 汪森編

范成大駭鷺錄

石湖居士以乾道壬辰十二月七日發吳郡帥廣西泊舟姑蘇館十七日至湖州十九日遊北山石林乘輕舟十里餘登籃輿小憩牛氏歲寒堂自此入山松桂深茂幽絕無塵事過大嶺乃至石林則棟宇傾頽兩廊盡拆去成菜畦矣正堂無恙亦有舊牀榻在凝塵中堂正面十山高峯層巒空翠照衣袂略似上天竺白雲堂所見而加雄尊自堂西過二小亭佳石錯立道周至西巖石益奇而多有小堂曰承照葉公自玉堂歸守先隴經始之初初有此堂後以天官召還受命於此因以為志焉其旁登高有羅漢巖石狀怪詭皆嵌空裴綴巧過錐剡自西巖回步至東巖石之高壯礪礪又過西巖小亭亦頽矣葉公好石力剔山骨森然發露若林而開徑於石間亦有自他所移徙置道旁以補缺空者方公著書譯經於堂上四方學士聞風仰之如璇璣景星語石林所在又如仙都道山欲至不可得蓋棺未幾而其家不能守委而棄之灌莽叢薄間遊于相與徘徊歎息不能去或謂此地離人太遠岑蔚荒虛非大官部

曲衆多者難久處。又云。公沒後。山鬼搶攘。暮夜與人錯行。婦子不能安室。故諸郎去之云。出石林。飯旌善寺。葉氏墳祠也。雪川有兩玲瓏山。石林為大玲瓏。又有小玲瓏。在長興縣界路口。聞其山尤勝。小玲瓏今屬沈氏。沈氏之父死。二子幼。芳檢校於官。此山石色微黃。而更奇古。一丘在空中。洞穴十數。皆旁相通貫。故名玲瓏。泉聲瀉壑。磴中窈如深谷。堂前小池。石如馬廐。墮其中。池後山屏上。洗出之石。巒積嵌崿。巧怪萬狀。缺罅清泉。渟泓叢桂。覆其上。亭館既無人。居亦漸荒廢。雪川特無好事者。能損厚貲買之。沈氏雖不得山。亦足以豪矣。杜牧之所遊玲瓏。即石林是也。小玲瓏晚出。而加勝。由沈家步登舟。回至城下。一鼓後矣。二十一日。宿德清縣泊舟左顧亭。孔愉放龜處也。庭前兩大枯木。可千年。而挺立不朽。德清古之餘不地。今孔侯墓廟在焉。廟居墓前。與其夫人像。皆盤膝坐。二十三日。宿餘杭縣茗溪館。二十八日。宿富陽縣。三十日。發富陽。雪滿千山。江色沉碧。夜小霽。風急寒甚。披使北時所作錦袍。戴氈帽。坐船頭。縱觀不勝清絕。剡溪夜汎景物。未必過此。晚宿嚴州桐廬縣。癸巳歲正月一日。己午間。至釣臺。率家人子登臺。講元正禮。謁三先生祠。登絕頂。掃雪平石上。諸山縞然。凍雪不開。境過清矣。臧獲亦貪殊景。皆思寒犯滑來登。始予自紹興己卯歲。以

新安戶漕沿檄來始識釣臺。題詩壁間。後十年。以括蒼假守。被召復至。自和二篇。及今又四年。蓋三過焉。復自和三篇。薄宦區區如此。豈惟愧羊裘公。見篙師灘子。慚顏亦厚。二日至嚴州。泊定川館。七日至蘭溪。泊澄江館。九日至婺州。泊金華驛。十二日宿龍遊縣龍丘驛。十三日至衢州。十八日過常山縣。十九日宿信州玉山縣。至川驛。二十五日。過弋陽縣。二十六日。過貴溪縣。二十七日。過饒州安仁縣。二十八日至餘干縣。閏月一日。宿鄔子口。鄔子者。鄱陽湖尾也。名為盜區。非使風張帆。及有船伴。不可過。四日至隆興府。泊南浦亭。五日。登滕王閣。其故址甚侈。今但於城上作大堂耳。十一日。過豐城縣。十二日。宿臨江軍。十六日。宿新喻縣。十七日。宿分宜縣。十八日至袁州。聞仰山之勝久矣。去城雖遠。特往遊之。二十五日。里先季惠廟。廟祠兄弟二王。不血食。其神龍也。舊傳二龍昔居仰山中。以其地施仰山祖師。遷居於此。廟有楊氏神。稱吳時加封司徒。竹冊尚存。又稱保太元年。余向居鄉。得吳江村寺石幢所記。亦以保太元年。蓋錢氏有浙時。或嘗用楊氏正朔。此二證為甚確也。出廟三十里。至仰山。履橋松之磴。甚危。嶺阪之間。皆田。層層而上。至頂。名梯田。晚出山。復入袁州。二十

六日。宿萍鄉縣。萍實驛。人以此地為楚王得萍實之地。然去大江遠。非是。三十日。宿

潭州醴陵縣。二月三日泛湘江。七日宿衡山縣。十二日至衡州。北行岡隴將盡。忽一峰特起。如大礮浸江中。蒸水自邵陽來繞其左。瀟湘自桂林零陵來繞其右。而皆會於合江亭之前。併為一水。以東去石鼓雄踞要會。大略如春秋霸王。號令諸侯。勤王。蒸湘如兄弟同奔來會。稟命載書。乃同軌以朝宗。蓋其形勝如此。十五日舍舟遵陸。登回鴈峰。十八日宿永州祁陽縣。十九日遊浯溪。浯溪近山石澗也。噴薄有聲。流出江中。臨石崖數壁。纒高尋丈。中輿頌在最大一壁碑之上。餘石無幾。所謂石天齊者。說者謂或是天然整齊之義。二十日渡湘水。即至愚溪。二十六日入桂林界。有大石表跨官道。榜曰廣南西路。家人舉頭驚詫。以為何為。至於此也。二十八日至靈川縣。又六十里至八桂堂。桂林北城之外圍也。未至桂林二三里。泊八桂堂。旬日三月十日入城交府事。郡治前後萬峰環列。與天無際。按桂林自唐以來。以山川奇秀稱。韓文公雖不到。然在潮熟聞之。故詩有參天帶水翠羽黃柑之語。末句乃曰。飛鸞不暇。騁。蓋歎羨之如此。故余行記。以騁鸞名之。若其風土之詳。則有桂海虞衡志焉。

黃福奉使安南水程日記

永樂四年。有事於安南。舟車所抵。耳目所得。具筆於後。

七月初一日入辭。是日會同館起馬宿龍江驛。

初二日早。龍江驛起船。由大勝港過茅山渡。望方山。詢單橋。午至大勝驛。有仙人磯。石橫於中流。其勢巉巖。其流洶湧。舟人每為之震警。又有三山磯。三峰聯峙於岸。其峻秀可觀。是夕風雨橫。江艤舟於岸。逮中夜而作。

初三日晚至和尚港。其港遶山。周回首尾。通江僅百餘步。港之兩岸。柳陰茅屋。豚柵雞埒。儼然如市。次至黃蓬磯。獨一山枕於江岸。又之響糠砣磯。有觀音洞。又南之雲頭磯。雲峰侵冲。漠狂瀾回。注舟子莫能支。沿崖而擇者。蟻附。又之鴛兒磯。山青雲白。耕收雜然於下。有政平訟理之氣象。又之望夫磯。其山連亘。僅一里。怪石巉巖。芳草叢錄。又之采石驛。時將及午。入支江。上有李白墓。俗謂此地多旨酒。以故居者樓閣重重。臨流而市酒者。比他率多。又南二十里。觀黃山。又二里許。望太平。皆出支江之左也。又三十里許。曰東梁山。在大江之左。支江之右。山勢甚怪。西梁山。又在大江之右。與東梁山相望。其勢相若。此處出支江入大江。亦扼要地。有大信巡司在焉。治居支江之左。暮泊黑山磯。是夕風雨大作。中夜而興。

初四日。早至檣港驛。風雨如昨。驛治在江之東岸。近菽港。有板子磯。如采石。支江抱

一小山而南。行十里許。與大江通磯之東約五里。秋港驛在焉。是日申時至驛。晝夜兼行。

初五日辰。至大通驛。其驛亦在支江之東南。約數十步。與大江合。暮至池口驛。是夕天清月白。風息波平。鼓枻而南。如有助者。

初六日五更。至李楊河驛。入長風夾。傍有小徑。舟子得以牽。蠶辰至安慶同安驛。泊舟於張家港。港西岸有鎮。林茂地僻。時將未。遂為文於是嶺之巔。祭其故庶子南保而行。其文失矣。

初七日平旦。之雷港驛。過急水溝。仍乘風入江。一帆輕快。過彭郎磯。望小孤山。已而至龍城驛。彭澤縣側。有狄梁公祠堂在焉。而陶潛像亦置其右。龍城發棹。日將暮矣。初八日辰。至彭蠡驛。有湖口縣治。在驛之東北。過都陽湖口。江水湖水於此合流而下。南望廬山。隱隱在雲霧表。而不知其高下也。湖水中。有鞋山。峙焉。中流特立。其勢類鞋。名取此也。江流西上。有南湖。蒲山。巡司在焉。午未至潯陽驛。九江府治在焉。由支江而南。東望廬山。最近。問人云。約三十里。山外南康所隸。山之中有竹林等寺。山之側有五老等峰。而周顛仙碑亭。災之後。而今見興焉。夜行如昨。

初九日辰至富池驛。驛隸興國州。午未至蕪陽驛。隸蕪州。

初十日曉至蘭溪驛。江岸有路。牽者得行。過赤壁望黃州。不午未至齊安驛。驛在黃州府城外。與遞運所連。枕江流。舟行未十里。風雨大作。冒行不已。

十一日卯至陽邏驛。驛隸黃岡縣。過午至夏口驛。驛在武昌城外。舟次於驛前。報名於典儀所。

十二日早入見。回時將辰。遂放舟而南。午未至金口驛。驛隸江夏縣。風順帆輕。篙者咸有豫色。逮暮至蘄州驛。驛隸嘉魚縣。舟行過半夜。至魚山驛。驛亦隸嘉魚縣。自金口驛以來。湖水瀰漫。多與江合。吾舟悉由湖而行。帆拂蘆花。棹穿菱艾。實水闊風順。無洶湧之虞。亦甚樂也。

十三日辰至石頭口驛。驛亦隸嘉魚縣。舟亦從湖水徑之。鴨欄驛。時將交申。驛之前有石如砥柱。峙於邊。流轉而南。有鴨欄磯。又尋之白馬磯。鴨欄比之白馬。山高水急。舟者未免用力。驛之右有茶引批驗所。及臨湘巡檢司。三衙並枕江流。俱隸臨湘縣。又南有楊陵及臨湘一磯。暮至城陵驛。越十五里許。過巴陵縣。望岳陽樓。君山扁山。峙於西南。如中流砥柱焉。時風順月明。波濤不作。湖之行如履平地。過夜半。舟至鹿



角驛。驛在湖山之東。以水急。舟皆集於驛之南。小河之所去。邑一里許。遂乘風挂席而南。斯驛隸巴陵縣。

十四日日將出。至磊石驛。驛之左有觀音閣。閣之左有龍神祠。祠側營涵虛一亭。亭之壁有竹木之畫。騷人詠唱。筆迹率多。如迸珠迸玉。殆不可以斯須徧觀也。是日出洞庭。已時至營田驛。驛隸湘陰縣。過未時。至笠竹驛。驛亦隸湘陰縣。縣治在驛之東南。去泊舟之所不遠。治縣者未之見。不知其為人。舟遂行至申末。至彤關驛。驛隸長沙縣。驛背小山。竹木森然。驛前有樓曰凝翠。倚山枕水。可縱游覽。遂挂席而南。是日夜將半。舟至臨湘驛。驛在長沙府城外。驛隸長沙縣。

十五日早。入見。遂辭而行。至申末。舟至湘潭驛。驛隸湘潭縣。縣治在驛之後。北去約一里許。舟行過半夜。至淶口驛。驛隸長沙醴陵縣。驛治可觀。行三十里。空洲在湘江中流。江之兩岸。花木參差。禽鳥啾啾。游子騷人。吟懷旅思。於是未有確然而不動者也。

十六日辰末。至泗洲驛。驛亦隸醴陵縣。暮至都石驛。驛隸湘潭縣。夜半。至皇華驛。驛隸衡山縣。驛至縣十五里。縣有南嶽。歲時享祀。

府門驛驛隸蒼梧縣梧州府治千戶所治在焉驛之程一百二十里

初九日巳時抵藤江驛驛隸藤縣縣之令有曰周頤者聞有政聲驛之程百一十里是日戌時至黃丹驛驛隸藤縣程百二十里

初十日午時至烏江驛驛隸平南縣縣治去驛不遠程百二十里

十一日巳時至府門驛驛隸桂平縣潯州府衛治在焉程百八十里此驛西有山曰西山去縣四十里林崖深惡人所罕到猛獍居多每與大通峽獍人合力剽掠居民受害甚可惡也至暮發舟

十二日戌時至東津驛驛隸貴縣程八十里

十三日卯時至懷津驛程百六十里隸貴縣有縣治千戶所在焉

十四日辰時至香江驛驛隸貴縣程八十里申時至烏蠻驛驛隸橫州程八十里香江之來烏蠻灘水險惡有十里餘遡舟頗難名曰烏蠻灘

十五日辰時至州門驛驛隸橫州州治與馴象衛在焉程百八十里是日午後開船十六日午時至火煙驛驛隸橫州程八十里驛之北十餘步許有灘曰雷霹水甚險遠舟人每先繫纜於岸之樹然後沿纜而進已復解纜而去繼者復如之人勞事滯

計無所出。特命驛與永淳縣置大纜繫之。便於舟人。是日戌時。至永淳驛。驛隸永淳縣。程百八十里。

十七日酉時。至黃范驛。驛隸宣化縣。程八十里。

十八日午時。至建武驛。驛在南甯府城之南。有衛治在焉。程百二十里。住一日半。

十九日戌時。發舟。翼日辰時之左右。江水合流處。

二十一日午時。至凌山驛。驛隸宣化縣。程四百里有奇。

二十二日午時。至大盧。由旱路行。夜亦行。

二十三日蚤。至太平府。館於千戶所。與大理陳公。給事馮公。僉事杜公。同事務共炊

爨。

九月初三日早。先來龍州。整理事務。行約二十里。有老軍王英。追報馮給事軍前回。還就復回太平。

初六日蚤。起馬來龍州。夜暫駐於澄勒驛。尋即夜行。達旦至龍州。館於頭目王二之

空閣。

十月初五日。軍前令隨前進議。留黎主事。杜僉事。理龍州糧運事。愚與大理公。給事

十七日卯末至霞流驛。驛亦隸衡山縣。未時至七里驛。驛隸衡陽縣。驛之北有七里灘。俗謂漢嚴陵曾釣於此。詢無遺迹。暮至臨丞驛。驛隸衡陽縣。衡州府治在焉。驛治在府之城外北門。放舟夜行。驛之下三四里許。一水自西北來。通寶慶。一水自東南來。通郴州。耒陽縣。

十八日辰。至新塘驛。驛亦隸衡陽縣。驛週迴皆有渠。引水養魚。生意可嘉。己未至栢坊驛。驛隸衡州府常寧縣。夜至河州驛。驛隸常寧縣。

十九日早。至歸陽驛。驛隸永州府祁陽縣。申至三五驛。驛亦隸祁陽縣。此驛間至方激驛。有九十里。夜行如前。

二十日卯。至方激驛。驛隸永州府零陵縣。是日申時。至湘口驛。驛亦隸零陵縣。去永城十里許。驛之東南。一水通道州驛之西北。一水通廣西。二水至驛合流而北。是夜泊舟於驛前。

二十一日早行。未末至石期驛。驛隸永州府東安縣。湖廣地方界分於此。南至柳浦驛。以往隸廣西。

二十二日丑。至柳浦驛。驛隸廣西桂林府。全州驛西行四十餘里。有黃沙市。河設浮

橋連橫於水上。司橋有判官倉使老人。是日未時至三角驛。驛隸全州。

二十三日早。至城南驛。驛隸全州。是日申末。至白雲驛。驛隸桂林府興安縣。縣去驛半里許。驛之南北。設陡三十六所。驛以北陡十水流而北。驛以南陡二十六水流而南。每處設軍二人守之。船過則放開。

二十四日五更。至大龍驛。是日未初。至東江驛。館於紫極宮。報名典儀所。

二十五日早。見免禮。

閏七月初五日。報名典儀所。

初六日蚤辭免禮。是日午後遂行。至南亭驛。驛至臨桂七十里。隸臨桂縣。驛之前有榕樹一本九枝。其根盤錯延袤甚遠。其陰婆娑。殆有頃餘。人云自宋有之。近五百年餘。

初七日且時。至古祚驛。驛隸陽朔縣。遠有一百二十里。午後至昭潭驛。驛隸平樂縣。遠一百里。有平樂府治。千戶所治在焉。申時至廣運驛。驛隸平樂縣。遠一百里。是日戌時。至昭平驛。程一百二十里。隸平樂縣。

初八日卯時。至龍門驛。程二百四十里。隸平樂縣。午時。至龍江驛。程六十里。申時至

公遂行。先之馱海度糧運之難不可離去。復於軍前白淮。仍留領督館於為忠祥縣廳。事頓有緒。遂復往軍前。

二十一日早。起馬前進。是日午末。至坡壘關。宿於都督韓公之營。

二十二日蚤行。午過丘溫堡。暮宿於丘溫南二十里。王都司行營。

二十三日早行。午過隘留關。此關賊之壘壘尚在。其險異於他隘。暮至雞靈堡。

二十六日早行。暮至隘龐關。宿於陳都司營。

二十七日早行。晚至芹站堡。宿於張都司營。

十一月初九日。起馬至昌江小堡宿。

初十日午。至市橋堡。

十一日早行。於呂都督營宿。

十四日早。至大營白議事畢。

十八日復回。暮宿於野。

十九日至市橋堡宿。

二十日晚。至昌江堡宿。

二十一日至芹站

二十三日。至雞靈堡宿。

二十四日晚。至丘温宿。

二十七日。起。至坡壘宿。

二十八日。至憑祥縣。仍治所事。

田汝成桂林行

余世勤農圃。少隱丘樊。步武不出閭里之間。聞見不越簡編之事。迨乎弱冠。濫廁鄉書。伯仲計偕。觀光上國。譬之潢鱗。縱壑谷羽。騰霄蓋已。心曠神馳。恢弘壯膽矣。迺今竊祿一紀。沿牒九遷。內陟兩京。外歷三省。匍匐州郡之末。跋涉嶺海之交。總凡往返於京師者。一十有二。留都者四。南海夜郎者各二矣。雖蹤迹未遍於埏垓。而耳目已超於圭華。况乎瑰山怪水。艱苦備嘗。露宿風餐。形容漸槁。追陳蹤於疇曩。永歎歎於來茲。譬彼雪鴻。同諸石火。不有述作。曷考所由。是以靈運牽絲。載謠東道。安仁憑軾。爰賦西征。皆以寫玄覽於一時。理羈愁於異禩者也。予既慨往事之莫稽。幸今遊之可述。迺因廣右之役。載筆途次。條刺日程。雖體式不襲於前賢。而話言必核於真見。

嗟乎。子長遠涉江淮。大肆文章之力。少游屬情款段。不失應懲之名。雖趣向不同。而分量各得。迺子行能綿劣。運命輒軻。進不攀龍。見之英。退不比雙。屈之彥。玩愒日月。汨沒塵埃。悼往懷來。祇增侘傺。爾書藏篋笥。以誌兒曹。嗣有行遊。編次左簡。

嘉靖十七年。予自京師還家。稍遷廣西布政使司左叅議。服侍二親。不勝違戀。徘徊桑梓。奄忽判年。將以七月七日起行。或言辰值孤虛。七殺當道。不利舟車。家人難之。予曰。陰陽者家胡可泥也。明王叅授人時。率作興事而已。屑屑忌諱。使人多畏。豈治曆者之初心哉。曩歲南都秩滿。撰日言歸。已而大雪載途。夙期竟爽。膏車霽發。或言辰值往亡。而歸心刺促。踔海宵行。抵家無恙。安在其往亡也。迺今憑程已棘。義不可需。遂以是日。祖南城。親友罕覺。匆匆飲餞者。江十丈。陸子中而已。同登六和塔。未及二層。而徐九丈。徐孟文。江子京。追至。攀躋絕頂。旋覽江湖。命酒高談。離愁都豁。塔中有宋湯思退賈昌朝等。彙寫佛說二十四章。書法殊體。步駿鍾黃。南渡君臣。荒度游衍。幾恢復之心。此亦一驗也。惆悵久之。已而壘岫銜規。林飈颯鬢。憑虛遠眺。眇若凌雲。興盡而休。時亦逮暮矣。洗筆於噴月泉。滿引三行。抗手而別。是夜四更發舟。翌日已卯。過富陽。會知縣龔善治。乘風行二十里。宿湯家埠。唐辰過桐廬。會知縣何經。遂



遊桐君祠。乘風行三十里。宿嚴子陵祠下。携兒藝衡登釣臺。時月色滿江。蒼烟盡刷。寒露浙浙墜草間。隔岸越山。咫尺可數。亦奇觀也。辛巳過建德。會通判潘嗣冕。儀是夕宿三河。壬午過蘭溪。訪董羣。羣以孝行辟舉。授思南府推官。曩予按察思南。禮之加等。既于東歸。而羣亦引年解職矣。行二十里。至新埠。宿焉。癸未過龍游。龍游春秋姑蔑子之國也。傳言越伐吳。而王孫彌庸見姑蔑之旗。是已。其城墟在穀溪之南。行二里許。登翠光嶺。俯瞰晴江。濃綠可染。還舟。風雨大作。又三十五里。宿安寧鎮。甲申謁趙清獻公祠。祠濱河。去縣南二十里。午過衢州。會知府李邦良。遂府治。故有土埠壅庭。號小蛾眉峰。或言郭璞墓也。遷之不利。太守且郡多火災。至者遮封殖樹。大如斗。李君欲遷之。吏民懇祈弗許。竟遷之。悟得石笋一枚。長六尺許。勒云。唐乾符中。刺史李穀置。蓋玩具也。歲久湮沒土中。形若覆釜。遂認為郭璞墓云。乘風行二十五里。宿石塘街。乙酉至常山。會知縣吳襄。游集真觀。觀有閣。馮虛特立。最宜登眺。遂遊白龍歸雲二洞。白龍洞懸泉滴瀝。莫測其源。洞口架屋三間。乃開化方思道家。倡義營構者。水活活。循除行。出漚深潭。傍有巨石垂入。若渴虬之狀。循白龍右崖。迤邐數十步。為歸雲洞。窺黑非秉燭不可入。其名則晉江梁宅之懷仁所勒也。宅之才子。嘗識

久之丙戌早發常山午憩草洋驛驛南里許有坊曰兩浙雄鎮過此則江西界矣薄暮至玉山是日中元節也月色皎朗携兒露坐鄉思悽然夜分乃罷丁亥早發玉山濱河有坊曰八省通衢乃李先生時行巡按時建而予為碑記者溪水淺澀以小艇昏黑抵廣信會知府趙振夫鏜同知徐尚賢官是夕臧宿南門鄒謙之守益應檄北上邂逅月下坐浮橋而語戊子訪給事中呂惟德懷往予刑曹時李君以貢士歷事又與謙之論學新泉別且十年矣亭午發廣信過錢倉石石圓如球浮突水面高可十丈相傳有漁翁涸石下得古錢一斛遂以起名而土人又稱捲績石也乘月過黃龍灘宿鉛山河口己丑過弋陽誌言地多禽魚弋者叢集因以名縣或曰山有巨石礪如弋文或曰溪流如弋薄暮至貴溪會知縣朱默庚寅訪諭德江茂毅汝璧寺副江子春以朝薄暮至安仁會知縣陳慶朝辛卯至餘干餘干者餘水之干蓋吳楚越三水之餘也故又名三餘壬辰至鄒子驛風作不克行癸巳發鄒子八里許為鄒陽湖口時風止波平淼渺萬頃遇河南參議周大卿相停橈移時別去至王家圩宿馬甲午至南昌會巡按御史景濟之泰布政使夏舜俞邦謨參政潘薦叔漢參議王在

叔璣按察使劉士奇儲秀副使陸肯堂堂徐子并階僉事徐朝重萬璧知府程仲朴資知縣六瓊牟朝宗頃之觀廵撫都御史胡公岳遂遊滕王閣閣臨章江之左雖宏麗已非遺構而南雲西雨之景彷彿見之還入鐵柱觀晉旌陽令許遜斬蛟之所也遜善以道術禁治妖蠱時豫章有蛟害遜飛劍斬之穴地立鐵柱施八索以鎮地脉出地二尺有咫水怪屏息還謁徐孺子祠祠在東湖南洲乙未弋陽王以詩畫來遺且曰寡人願有請也遂往朝之設宴使殿出解大紳遺墨一帙風骨婉媚逼真子昂嘗在吳中聞解帖古拙似紫陽體心固疑之始知偽售惑真者不獨一解帖也丙申早發南昌過市汊驛風雨移時而霽至長湖宿焉丁酉過豐城城西南三十里為劍池池前有石玉長六尺廣半之張華雷煥培劍之所也戊戌至新館距臨江府治十五里水涸舟膠知府李仲占易來訊己亥至新淦淦水發紫淦山入於章江別有金水與淦水異源而合流所謂金川是也庚子家君誕辰焚香率妻子遙賀乃發自峽江峽江故新淦地嘉靖五年分建縣治於此訓導譚敷來見辛丑中秋朔早發峽江至吉水吉水者吉文之水也為贛江支流曲折洲渚間狀若文字以為吉祥故以名縣壬寅早發吉水過螺山謁文丞相祠午過廬陵會通判汪堯卿舟所鐵十字一枚

題曰保大二年五月置重一千三百斤。相傳南唐造戰艦。以此係纜者。乘風行三十里。宿張家渡。宋名將康保裔祠在焉。癸卯至淘金驛。十里許。宿袁吉渡。甲辰過秦和。會知縣廖師文世魁。遂登快閣。時秋霽天高。澄江瀰望。是夕宿浩溪驛。乙巳過萬安。自此至贛縣。遡流三百里間。為灘者一十有八。額磯齒齒。星散波中。或起或伏。舟行其間。曲折趨避。稍與為忤。靡不顛淪。而天柱皇恐二灘尤甚。綿絡里許。石骨崢嶸。舊有二十四灘。五代時。贛水大發。乃沒其六。云是夕宿蓮津。丙午乘風過阜口。攸鎮二驛。宿石人現。夜雨達旦。丁未冒雨至贛縣。贛縣在唐宋時。為虔州。紹興間有寇警。以虔字虎頭所兆。乃以章貢二水合流名郡為贛也。貢水出汀州新樂山。章水出南安。聶都山。二水東西流。合於城北。本贛字。而省作贛。然贛音如貢。無幹音者。豈方聲與。時江水驟漲。賴北風以行。帆檣輕矯。榜人歡呼。若神助者。會副使侯世言。緘知府康德。清河通判謝俞。卿邦信。戊申。覲巡撫都御史王公德。深浚。遂遊天竺山。舊有寺。為韜光禪師所居。白樂天有詩。懷之。蘇子瞻所謂香山居士留遺跡。天竺禪師有故居者。是也。己酉。登鬱孤臺。臺高數仞。水光山色。盡出几席。履烏之間。趙抃詩云。群峰鬱然。惟獨此山孤。是也。庚戌。萬壽聖節。行賀禮於水西驛。遂發贛縣。自是貢水已分。

至庾嶺皆草水矣。不及九牛驛三十里。皆黑。宿接官亭。辛亥大雨。至南康。會知縣陳  
傑。士子過小溪驛三十里。癸丑不及大庾二十里。皆野宿。宿江中。甲寅至大庾。會知府  
許士永繼同知侯孟學。廷訓同遊寶積寺。壁間有張汝弼草書數十行。蓋守郡時作  
者。乙卯早發大庾。過梅嶺。漢兵擊呂嘉。有庾將軍者戍此。故名庾嶺。以其地多梅。又  
名梅嶺。危石仄疊。登陟甚艱。唐開元間。左拾遺張九齡開鑿成路。民皆便之。故有祠  
在焉。祠旁有雲封寺。白猿洞。卓錫泉。放鉢石。唐僧盧慧能行禪之所也。嶺上有叱馭  
樓。過此即廣東省界矣。自此至番禺。有建瓴水下。岑樓之勢。故漢武帝命五將軍伐  
南粵。而樓船將軍出豫章。下橫浦。其兵先入。其功居多。亦地勢之利也。薄暮至保昌。  
會通判譚璣。推官方表民訓導金英。尤舜俞。丘玉。是日中秋。卽也。丙辰雨。午霽。發保  
昌。過黃塘十里。許宿焉。丁巳過平圃。至曲江。會通判秦中熙。武曲江者。以湏武二水  
抱城回曲而流。故又名湘江也。湏水出庾嶺。武水出柳州。經樂昌縣。韓退之詩。南行  
逾六旬。始下樂昌。麓者是也。城南有逍遙臺。隋刺史薛道衡所建。夜宿濠裡。戊午遊  
南華寺。寺當曹溪之上。慧能居之。故有衣鉢存焉。鉢色非木。非陶。沃如髹漆。其光可  
鑑。嘉靖初。莊渠魏子才提學嶺左。槌之。僅存方寸。還過清溪。至英德。會知縣吳珠。教

諭鄭洋訓導周本。此地多怪石。扣之有聲者。上古諺云。峰巒聳秀。豈實分明。無斧鑿痕。有金石聲。此相石訣也。是夕宿橫石磯。己未過中宿峽。峽上有飛來寺。兩山峭削。中通江流。午過清遠。會僉事李廷儀。文鳳。教諭羅勳。訓導張朝。是日連過回岐。胥江。二驛。庚申昧爽。過三水。至高要。會同知許仕昭。知縣陳豫章。教授莫磷。訓導何倫。徐仲。叅將程本虛。鑒。助教諸子興傑。辛酉發高要。宿六步。壬戌過新村。游三洲。崑中空可。十丈許。鐘乳垂結。多若獅象。虬魚。鐘磬之屬。故又名玉乳崑也。是夕宿野塘鋪。癸亥。過德慶。會推官汪九齡。學正陳宗器。是夕宿羅房。羅房。涿水。故廣東省地。今為徭人所侵。每歲通糧者七千石矣。甲子過封川。會知縣王用璽。教諭諸緒。訓導林賢。去此十里許。過清江口。即廣西省界矣。是夕五更。抵蒼梧。乙丑。知府朱鴻漸。同知陸任忠。通判傅燦。林祿。知縣項寵。教諭周文興。來見。頃謁提督侍郎蔡公廷。彝經。安遠侯柳公珣。會參政林舜卿。士元。是夜大雨如注。丙寅雨不絕。江漲。蓋大江自西來者。為黔鬱二水。黔水發源牂牁。經南寧而下。漢伐南越。使馳義侯。發夜郎兵。下牂牁江。會番禺。即此江也。自北來者。為灘水。發源興安。漢戈船將軍。出零陵。下灘水。即此江也。二江至此。乃合流而東。丁卯。霽。午發蒼梧。十里許。宿廟口。自此至省城。皆溯灘水而行。

以灘名者三百六十中有五十四冲皆猛撞出沒之所戊辰至龍江雷雨己巳宿古攬堡庚午至龍門自此至平樂則山愈高水愈急頑磯漫渚隱見波中兩岸密菁叢林裏疏表翳寇戎踰伏徂驢賈舩操長竿鉤舷而剽之官兵督捕即狺窺麋跳不可蹤跡嗚呼天之矯子豈真北方為然哉辛未季秋朔宿於鰲洲繁星滿天雷電不徹鬱蒸之氣無異伏中壬申北風飄蕭肌粟憤起粵嶺氣候信難測矣是夕宿昭平過數里許為雷陂峽已上兩岸諸山參差骨立色若積鐵狀若植戟又如卧虎蹲獅不可射彈草木鬱翳聯屋委谷岐岐巖巖茂若禾麥秋冬不零賈舩魚貫水許一月九闕非軍度導衛不敢徑度猿狖夜嘯虎豹晝行數日之間不見人煙者二百餘里雖險隘已極而山明水秀恍若畫圖亦嶺外絕景也癸酉宿勞鹿灘甲戌宿大同乙亥不及平樂縣二十里丙子至平樂知府蕭一中同知周訓知縣黃价教諭鄒魯來見頃會布政使祝堯緒續副使翁仁夫萬達錢振之鐸平樂在唐末時為昭州至元乃改平樂蓋自蒼梧而北灘龍險惡至是始平故曰平樂又以江水近府始迤演故曰府江丁丑早發平樂自此已上諸山皆離離落落似斷復連兀突平原若雕若琢環狀詭態不可殫論令人左送右迎惟恐一奇之失也平樂已下山川又不足羨矣是

夕宿陽朔縣。戊寅早發陽朔。不及南亭二十里。宿畫山。己卯早過南亭。時秋露風清。桂花盛發。香氣馥郁冉冉。自崑谷中來。桂林之稱。良有以也。薄暮宿盧田市。庚辰過穿山。有穴通透。望之如月輪挂空也。早至桂林。時藩臬諸寮。皆以公事他出。獨按察使陸選之銓。僉事李維大。義壯在省。往予為儀制員外郎時。陸君郎中。李君王事。尊皆星散。睽越者九年矣。復聚會萬里外。又無他寮參焉。亦奇事也。頃會巡按御史鄒廷俞堯臣。副總兵張文治。經都指揮使余承甫恩。辛巳知府楊沔來見。壬午宿城隍廟。癸未昧爽。奠禱於神。省寮無一在者。遂以是日到任。署印。自發錢塘至此。凡六十四日。



粵西叢書卷三終

岳和聲後駢鸞錄

清 汪森編

龍水客以萬曆辛亥三月初七日奉出守慶遠之命。四月十七日還里。九月十七日。疏請致仕。十九日奉旨下所司。所司停覆。復檄之任。先是禮曹郎自嘉隆來。鮮以刺郡出者。即間見以為倖得之矣。余以客部。歷膳儀兩副郎。先後十二改歲。而有是命。又僻在炎徼。林狃狉狉之與處。或謂不堪而心安之。凡所為乞休者。非以官亦非以地也。再命之至。而猶抗前請。將官與地之以矣。李君實以范至能駢鸞錄來。贖曰。君踰嶺而後駢鸞錄成。應早寄我。余曰。弟實多變。以奉使則愧攬轡。以移鎮則愧吳船。而刺龍水之與帥靖江。寧敢多讓。文穆以負知己。君實領之。遂以是年壬子正月趣裝。而日記其程。以為後駢鸞錄曰。龍水客者。志地也。

正月二十日停午。偕門人周孝修登舟。發西水。嘉興陸太和。秀水吳儼五兩明府。送之河干。甫解維。沈白生妹倩。以雀舫來期。至學繡。乃反語余曰。無可贈行者。飽喫惠州飯。細和淵明詩。贈君止此矣。余曰。惠州不在天上。吾將來帶見督郵耳。其幸而為

坡公不幸而為黃文節固安之若命。無何許伯厚嚴圖南包彥平范長康以小初來。余曰。何以似我。長康曰。山如碧玉。瘴來雲似墨。龍水距八桂五十舍。距羅池又二十舍。即舉似無喻。昌黎柳州者。過此以往。未之或知。余曰。宜州昔人以為地牢。推此類言之。又安知不為天堂邪。相與胡盧一笑。彥平屬過武陵。從前太平守凌元孚問嶺右風氣。徭俗及諸飲食便宜狀。且述元孚當日語曰。彼土山川甲天下。使君情致自不惡。獨二三臧獲鬱鬱不樂岑寂耳。甫別挾探奇行至者陸三孺也。少與余讀書石佛梅花洲。二十六年往矣。三孺才可凌雲。一青衫不屑就。輒高尚棄去。余婆娑人間。為時局弋慕。行役不休。對子顏厚所強為余解者。以嶺右山水不負容耳。遂訂遊武林。未作別。晚泊陡門。以輕舫展先墓于乘園。蘭干二橋與族人酒別。

二十一日至高橋及石門而雨。郁伯承來。且以季父新寧州倅蕙相屬。余曰。龍水客直寄公耳。何能為新寧宇下乎。次語兒新明府來。語其姻家汪中字參戎方帥柳慶。故儒將也。輕裘緩帶。不廢嘯歌。余曰。我將過而問焉。發語兒而水部兄之初比部弟。季有方舟至。宿彭老橋。妹倩戴以介挾風雨至。余襪被卧。二鼓風甚。黎明乃發。二十二日午泊塘樓步長橋。晚且泊距關可十五里許。

二十三日稍霽。午入闕。問館子來青堂。堂為同省吳儀部別業。面湖背郭。從啗。置中不失閤冷。

廿四日早。謁先忠武王祠。已展墓。揖宗人于流芳亭。循桃溪出。午與孟季小別。同以介循九里松上飛來。度三竺。禮大士于雙殿。憩白雲舍。作桑門饌。舍舊為坡公所。顏迹之。烏有矣。申度麥嶺。捫石間字。云同游楊傑蘇軾王翰。故坡公所署。草棘中。乃不為風雨蝕。與以介盤桓久之。憩法相。歸從金沙買小刀。由定香橋循六橋。與米君夢同作客湖舫中。丙夜歸來青。而闕者以客刺目來。

廿五日早。與以介別。乃入城報謁次轅門。遇朱陽曾金簡小儀。約醒言。予來青歸而先與余孟季宴坐久矣。遂具蔬供晤語。夜分別去。比部弟復呼酒醉床頭。而水部兄亦自外來。把琰相向。共證半生心事。比部弟曰。兄自下帷攻苦。及紆朝黻。垂二十年。無所不刻。礪以有此行。蠻烟瘴雨。幸善眠食。欲根猶易剗。名根未易除。文字結習。政與名媿。要之涉累。猶然兒女情多耳。余曰。不然。吾年四十有四矣。寧復能下少年場。田百氏而掩雋乎。第以言吾所欲言。與所能言而已。言吾所欲言。不欲。不敢出也。言吾所能言。不能。不敢強也。所慮欲根未易剗。當向元城先生。越行後作學人。水部兄

曰實獲我心

二十六日辰與比部弟別。及午而黃貞父施仲宣二小儀以楫舫自湧金門至。余欲放棹南屏。過津公竹閣。以遲余兄。故停棹中流。已艤斷橋步。錦塘上飛英滿地。呼平頭撥貯恬白棧中。與主人隨手探得。有刈辦者。即浮白補之。竣事以得全多者為算勝。未半。水部兄至。而來青英郎用伎樂舫來。二小儀跋跋以不速辭。余強乃往。未半輒去。與水部兄復促坐。兩人醉。不能以楮量。致過一石。劇醉乃散。

二十七日。孫司理偃虹過訪。入城報謁。迫暮赴柯都運。招于柳洲亭。都運先守慶遠二年。所代者以瘴鄉引疾去。而余適過于茲。以有茲亭之酌。慶即踰柳州三百里而遙。肯令子厚遂作勝場。語都運曰。足下且以柳亭酒為慶守脂轄。其縱澆之。都運蹶然。二十八日早。命宦昭慶戒公偕霽公智沙彌。以芥菊四岳來贐。余紆途別。乃別循城隍。由表忠觀。過慶樂巷。訪虞勳部德園。勳部先期赴貞父。招。邀余于竹閣。至則金簡小儀陶君爽。孝廉與高元玄。津二開士在坐。蔬供茗飲。閑房靚情。竹聲琅琅。與人語相應。非復曩時稠濃僧舍矣。西過宗鏡堂。拾層級者三。禮永明瘞塔下。拜慧日峰。為宋篆集古。前此未親也。過問澄公八十臘。無恙。乃上丁婆嶺。望三五雲。取高處六和在。

眼三折縮帶矣。晚飯逆旅登江舟。江流春漲浩淼澎湃。岡巒極岸。與烟霧相迷離。濤聲之所激。巖嶺欲鏗鏘。實難為懷。推蓬望西岸。則遠山層出。若簇若馳。與孝修嘯咏到江吳地。盡隔岸越山多之句。數閱而寢。

二十九日。戒楫。水部兄以札來。余報之。遲朝乃發。及午。兄肩輿至。余問何以戒慶守也。曰。弟于慶為八千里遷人而非守也。吾願弟為八千里守而不為遷人也。吾嘗語弟以情事理法四關矣。四者有方有圓有礙有無礙。一入而情。二入而事。三入而理。四入而法。情圓而碍。事方而礙。理圓而方。而無礙有礙。蓋至法而即方。即圓。即方。即圓。即方。即情。即事。即理。而無有礙之者。子輿氏曰。規矩方圓之至也。君子行法。以俟命而已矣。吾所以語慶守者。具是。余頓首曰。謹受教。及申而汐。至。兄自涯反。呼余曰。當作江干送一詩寄我。余與孝修曰。諾。凌潮渡三浙。霧雨且暮宿王家。疾風驚浪寤宿而已。

三十日雨發。申至富陽。前嘉興譚青湖明府。以臬幕署事。招游觀山。山峙縣東偏。因高為城。祠江南來。勢實截之。而北有小沙。逆當其衝。以護萬家之縣。孫仲謀父子由此崛起。良不偶然。土人向未敢祠。闕武安王。以孫氏故。有之。自今始。其麓是也。磴轉

十仞祠肖羊裘先生。再十仞許。得鐘閣。鐘治于元至正而款似漢叩之清越。江聲月色。良夜互發。當是滲骨。再十仞許。而祠文昌。貌故尊偉。余與青湖瞻揖之。環望紫微。鎖石諸山。蒼茫野色。絕不似江南景物。細雨濕衣。引酌而別。挂帆長風。即飛濤怒立。不致作惡。四十里宿新店。

二月初一日霽發。已至桐廬縣。縣故一橫洲。江水周之。前有筆架諸峰。互峙作朝。未刻絕瀾江灘。新漲總至。洶洶懼人。晚上七里瀨。有懷康樂。旅客傷游湍。徒旅苦奔峭之句。再上為鷓鴣門。風濤加壯。暮泊釣臺下。急攝衽以登。肅謁嚴先生像。像左為方玄英。右為謝韋羽。余曰。兩人故堪為羊裘公耳。孫遂上雙臺。凡歷十五盤。而得東臺。顏曰留鼎一絲。西臺。顏曰垂竿百尺。中有平石。可三十肘。而羸依回者久之。返步而晚雲繚繞。罡風襲人。磴左孤松偃蹇。如虬如龍者七。舟人指對岸鬱林中。為先生墓。余曰。水湍山峭。壑藏於此。寧獨生前鬱孤。亦復死後輕奇。登舟亟索篋中所有。望桐官詩。與孝修快讀之。蓋歲辛丑。予以客部郎持節冊封淮藩。歸艇夜發。竟阻登眺。時語已十三年往矣。

初二日早至西口。已過高岑關。關似展旗。而偃卧瀾濤中。予舟蕩焉。濫瀨如象。何以

踰此未泊嚴州。望富春驛百步許。晚發州渡。從渡口望郡城。翼翼虹互。新安江碧若拖藍。越十里宿桐溪埠。

初三日雨。帆挂大羊。午及三河而風鬪。宿九都口。為宋十子九得雋處。名范村。其一為諸生以老。則理學家所稱范浚氏。故有五箴。贈炙人口者。隔岸為仙桃山。居人云。往往百年一結實。左為長蛇。趨蛤。形家者謬以此佞山靈耳。其後為天子山。相傳為漢長沙太守孫文臺墓。業被發。為居民有。

初四日早至女埠。午泊蘭溪縣。劉滄嶼明府出訪。發二十里。宿湯溪之楊埠。

初五日未刻。抵龍游。發里許。泊亭步山北之橫沙。

初六日早發。灘石齒齒。其湍急洄澍。不減七里瀨。望三衢可十五里許。北岸土岡互峙。浮圖層出。遮西則大石阜。圓徑數十畝。為鷄鳴山。迤北為浮石山。支分劈脈。蜿蜒稜裂。晚泊西安縣。

初七日發十里。而蕭損之參知。以尺一來曰。君子建禮端。然靈光矣。乃以一麾走萬里。汲長孺不薄淮陽。是其所以為汲長孺者乎。余答以仲詔書畫舫中語。附候吏去。六十里。泊紅橋埠。則常山在望矣。



初八日疾風挾雨。午始至。至則龔圓甫明府出訪。余入城報謁。訂游西高山。

初九日遂霽。家僕來送者。以是日反作鄉書數十玉。殊苦稠濁。迄晡乃竟。圓甫邀遊西高寺。寺為嘉泰中勅建。制故渾朴。牟尼像亦復莊靜。散步登藏閣。從閣磴轉者三。得積翠亭。為同年唐長公所題。而借腕于玄宰史氏。其西則西高峰在焉。蓋常山西南北三面環而為縣。西高最傑出。懸解于北山之腹。而東面獨缺。溪水當之。隔岸則江右諸峰層出雲際矣。日旰不獲上西高。從亭中一眺。呼燈踏山麓。崑崙遠距白龍洞。不一里許。從田塍中行過之。澗水淙淙繞足下。數武而得初洞口。可二仞許。泉瀑迸落。望之黝然。呼燈迹之。有竇上出。王者曰磴。轉百餘武為中洞。洞口可三仞許。橫側劈裂二里許。而竟。厥竇稱是。余又呼燈迹之。度不能至。又磴轉三百武許。及嶺之十七。而有穴。下穿則向之泉竇上出者是已。以無他奇。輟步。旋尋故步。入詹參知定齋山館。館後有石壑。泉聲活如。為引滿與圓甫別。則雨絲紛如矣。歸而詹溜竟夜。山城孤宿。重衾為薄。

初十日發常山。四十里為草萍。讀孫忠烈七言近體。曰身從許國頻加愛。髮為憂時忽變蒼。余壯其語。為孝修快讀數過。步之者則王文成伯安擒寧遠南來詩也。其目

云得大駕南征渡淮報于此。蓋伯安爾時有勇略震主之疑焉。晚抵玉山而寤。十一日早發十里為崙溪鋪。又三十里為沙溪鋪。壁間諸咏多以雞肋二字作噓。余亦行自笑也。又二十里為靈溪。有橋屹如三分之一中。駕屋數楹。翬如也。又十里為廣信。鄭邵丞趙司理來訪。

十二日發上饒。五里為五馬嶺。又五里為冷水山。山有洞穴。稍進為天門。門畔橋出。云為九仙竈故處。周以冷水城。若天構然。至興安旅館。申刻將命。值大雨驟注。輿人逸去。令奴子顧興安二三游手。昇籃輿。踉蹌而抵弋陽。漏下一鼓矣。

十三日發弋陽。葛溪驛雨甚。西為篔簹嶺。又西為簪嶺。岡脊坡陀。榛莽雜出。輿夫蹠蹠而行。滑滑作苦。及申乃霽。抵貴溪之迎恩門。為元儒陳靜明先生故里。晚宿行館。月色如畫。散步通莊。徘徊桂洲相公坊下。感慨者久之。

十四日早渡鄉溪。凡五里。渡金沙。未申間至安仁縣。日未晡。發安仁之紫雲驛。為孟家渡。即鄉溪。不二里為李浦渡。水從上清來。合於此。消狹而駛過之。昏時宿白玕鋪。鋪為東鄉供頓舍。

十五日行三十里。俱歛岡碎壠。至湖墩得平田。午抵東鄉。晴日始杲。西行者多從進。

賢入省。而余友臨川湯若士。念之情深。遂決計走臨汝。行二十里。為遼唐岡。岡凡十五里。又五里。為坪塘鋪宿。

十六日早發。昏霧四塞。行五里。始辨色。所在童山迤邐。溪水縈折。凡兩渡。薄臨汝。則先一信走若士。若士亦以急足。遲余汝濶。汝水浩漭。問渡為怯。舟子曰。跨汝有梁。凡十二門。且垂成矣。入館而臨川葉明生明府來。為問玉茗堂亡恙。若士已先過。余逆旅把臂欣然。已同年蘇刺史眉源來。計契濶者十三改歲矣。甫別而我郡伯吳葵臺翁。以南部賞賀。歸里。見枉已報謁。郡伯留酌。復飲眉源所。雷雨并至。問所為。五峰三市者。頽然闔閉耳。碧澗紅泉。蕪落久矣。漏下三鼓。若士率李子寧。叔觴予玉茗堂。歸雷雨竟夜。

十七日發吳家渡。為輿人所給。順流而放。章家石。颶風大作。一楫子弄小刀。狂濤中蕩漾。搖曳者。踰晷未克濟。若士令僕人以雙漿來。脫予于厄。復登岸飲石上。縱談。若士曰。宜州遠在數千里外。青草黃茅。鐫人入骨。兄至第勉飲醇醪。為自支耳。冬初再把臂。遂渡西岸。若士拱手目余。沆濟遙揖而別。三十里為樟源嶺。嶺鑿自泰定間。路隘甚。僅度一肩輿。又二十里為駐節堂。則豐城界中矣。時且薄暮。而卧具前發。二十

里為大江橋。乃復行。不五里。顛風暴雨。霏矇四合。復數里而暝。輿夫走泥淖中。冷淋漬骨。且躑且起。覓火村落中無應者。猾猾田塍間。展肱側蹠。時與坎窞相遇。或旁臨深池。瞪視微白。足三分垂在外。殊懷瞎馬夜半之懼。行人有呼號淚下者。余時為解勞。將抵文江五六里。遠望陰岡。得星星火光。知奴子以擎照來。復為厲風所熄。踉蹌趁風雨行。二鼓宿劉氏敗屋中。寒霖徹明乃止。

十八日行。四十里雷家渡。又四十里為姚灣嶺。入豐城。訪家孟同籍徐匡嶽太參。是夜匡嶽移棹行館。

十九日且發。奴子云。輿夫未具。日欲旰矣。遂已復會講于匡嶽堂中。匡嶽以七言近體一章餞予。予次韻以謝之。

二十日發豐城。沿江大堤虹互。積雨淖濁。凡四十五里為泊濂館。又十五里為樟鎮。渡蓋贛江下流也。又三十里為臨江郡。同年顧含素以湖西憲使行部來訪。太守郭華中繼至。已飲含素所。歸而就宿。

二十一日發臨江。午頓太平館。晚宿羅坊。

二十二日發羅坊。午抵羅溪驛。望仰天岡。千仞翠色。在襟袖間。宿分宜。

二十三日發分宜。二十里得洪羊洞碑。云有十三竇玲瓏幽嵌石床蘿牖為仙真窟宅。以雨不及入。又十里度秀江。則嚴氏故居發脈昌山是也。及申抵袁州。程太守來訪。報謁畢。獨上宜春臺。臺為漢灌嬰宜春侯所築。又云有泉宜釀。故名。未知孰是。

二十四日發宜春。十里為沙陂橋。有屋覆之。若回廊然。又三十里為宣風館。館中所次王伯安七言近體。幾滿屋壁。余亦漫興和之。乃發宿蘆溪。

二十五日度蘆溪。溪汎激。客從楚廣來者。順流而下。抵洪都不半旬。余以陸行委頓念之色飛。午抵萍鄉。署篆者袁司理王巽吾為李有同籍。故同郡。莫逆。挽飲縣解。秉燭作鄉書。就宿。

二十六日發萍鄉。從此入楚境矣。廿里許。遇慶遠高朱兩生。問脂車何期。云以正月晦。乃知前途尚遙。征衫故須著破。又二十里湘東鎮。延茂不減一小邑。又數里黃花渡。為晦庵次。宋伯和詩故處。又五里有坊曰古醴。東沿吳楚界。別于此。自江右至湘東。途頗滑澀。淫潦漬淖。更艱行役。將抵醴陵。淶水隔之。淶水。故澆水也。以橋易名。橋袤四十二丈許。覆以長廊。度橋而行。館面江以居。有柵樊之。據形家云。不宜築城。居然山縣。不廢臨流。

二十七日早發去館數百武為醴泉井凡三眼石甃鞏整聞甘涼熨齒炎時幾決全  
邑以行迫不及嘗四十里午頓清安館雨甚十里許為白關鋪有亭臺如顏曰衡淥  
環奇山水頗勝不半舍而平田中三石竝立離列位置相傳為旗鐘鼓石亦小有致  
再度大小黃泥二嶺始霽至荷塘館則湘中諸山參差層出矣

二十八日發荷塘雨如注度平岡數里為灰渡水僅方舟耳乃兩涯山根墳起而積  
溜甃之者三十里至館子墾行四十里為烟屯嶺嶺高可十仞而三起三伏者二里  
許北望湘潭邑治了若擊盃旁帶一水判南北遂渡而北則取道于荆岳沿而南則  
衡永廣路矣晚抵縣隔江而館越在北岸申刻同里包儀甫方領徭于此故家李同  
籍好也渡江酌我館中適予同籍李宮諭四履枉我已別六年所矣

二十九日早渡湘報謁儀甫儀甫以晚歸為妬風挾雨所困遂不櫛沐晤衙齋中作  
無義味語而別過四履歸而日且旰與孝修延望江上觀湘樓危峙其北帶以睥睨  
南來岡阜綿亘百里俗呼為挂榜山故琵琶峰與祝融峰相望為七十二峰之一也  
東則長沙郡城羅洋雲母諸峰翠橫天表平疇遠樹風土夸曠視臨江而西林莽逼  
塞觸途生礙至此為中湘別是一番境界矣蓋瀟水源地州湘水源地桂州合流于永

故洞庭之南境。總為瀟湘。及衡而會。蒸于合江亭下。歷湘陰界。又合瀆沅潭漉諸水。北迤而奔。赴于洞庭。故湘潭稱中湘云。

三月初一日發湘館。行二十里。抵下涉渡。即湘江也。有山翼然。當相之上流者。金華峰也。道傍民舍。多以竹為阿棟。而茅覆之。支戶乃以雜木。或棕櫚。本皆目所未經見。又三十里。午頓茶館。館外即茶園。名亦雅似。又四十里。宿黃茅堡。

初二日始露發黃茅。三十里。逾白石嶺。四山迴合。高寒在眼。二十里為柘塘館。距衡山縣將三十里。夾路官松。大可十圍者。繚繞山徑。陰映行轡。上郭白日。下翳翠微。昇端時。拂拂有芬韻。而間似嵐氣鬱盤之盛。大江南北。所在罕覩。

初三日發衡山。出郭望中紫峰。不遠里許。繞麓新松。夾路循江而行。清駛可愛。二十里為馬鞍山。嶺頗迥。而石路新整。為孝婦劉妙賢所甃。又十里。依田鋪道。傍曾植齋宗伯墓坊在焉。又二十里。飯九渡鋪。十里為郴江口。乃蒸江經流也。又二十里為衡州。宿蒸水驛。鄧玄渡觀察來訪。

初四日早。謁至聖先師像于石鼓書院。讀禹碑副刻。上綠靜閣。閣下故有昌黎綠靜。不可唾一詩。為南軒先儒所書。石已泐。後人重摹之。筆亦挺秀。新砌大觀樓于會江。

堂即合江亭故處也。舊址頗雄勝。延望城中。岡巒北來。將訖而突起一峰。以居蒸湘二江之會。窮其末。有朱陵洞。僅石罅中一線耳。嘗是贗題。求所為李吉甫齊映諸詩刻之西溪石上者。不可得已。謁諸葛武侯廟于書院左方。乃發。則大雨傾注。幾不可步。踉蹌行淖濁中。望回鴈峰。已不辨烟樹。且暝且潦。呼炬村落間。時復滅沒。至馬公嶺。咫尺為迷。叢薄翳如。怪石嶒如。飛湍洶如。倘時屬霽朗。不妨遊目。而淋漓昏黑。觸眼成刺。著足成躓。蓋自文江橋之厄。至此而再矣。乙夜宿排山驛。

初五日發排山。四十里為烏符觀。觀中故有無上宮王詩。及白仙玉蟾二篆蹟。土人云。先是以烏蛇時時咬人作祟。白仙飛劍斬之。而無上宮王為純陽仙師別號。篆詩則與道士蔣暉者。行十里。為先忠武征曹成劉營處。建有大營寺。像設甚嚴。後寢則垂成。且地不蔽風雨。讀碑中所勒忠武手書。恢復中原。北迎二聖。大指凜有生色。而舊石且泐。嘉靖癸卯歲。唐中丞應德復識而新之。余感賦長律十五韻。末有不因絕嶠分麾檄。安得陰崖覲旆旌之句。蓋龍水客為度瘴之行。蕭瑟旅中。辛彷彿此一番水木音容也。又十五里。上熊羆嶺。蓋自江楚歷岡陟。阻半屬坦衍。至此而拾給屨上矣。其路自北而南。復轉而西。皆從山腰中著足。約高五里許。乃取徑隧中以出。道旁



多蠟樹。其葉類吾鄉女真。而黑黝過之。土人多從春秋放蠟蟲于其顛。偏蝕葉且盡。而窠其滋。以為膏燭之籍。倘亦鹵蜜之倫。造化巧為生人利用者。與又三十里。平田納納。綴以山徑。宵行二十里。抵祁陽。陂塘山阜。從燈影中彷彿。晚憩別館。館子設縣解中。多木魅。時時汨奚兒于水盃中。以為劇甚奇。

初六日登祁陽東關。環市櫛比。貨貨之盛。倍于前途。及三吾驛。問渡波流漾潏。噴沫時作。所謂活溪也。烟旭中尋中興頌石崖天齊處。舟子云。尚隔一舍。俛仰活山。唐亭之勝。及漫郎舊宅。杳不可迹。至漫郎頌中指次為魯直所洗發。以託于春秋之義者。亦歷落畸人一段文心也。登陸上黃羅嶺。趾高而行。約三里。下平岡。其脈自縣南龍山蜿蜒而來。掉脚往往逆行。界屬嶺而止。嶺之南為平田。綿延二十餘里。為凍青館。中頓少憩。時值禁烟節。道中村民往往用團楮裹星火以行。蓋為雨露既濡之感。杯酒漬土資也。柳色鄉心。見之惻然。有獵戶牽趨狗逐麋兔。健決可善。左右山麓多青蒼奇石。與晴色相映。自脂車來。十九淋雨。及此眉眼為開。二十里為楊梅嶺。達石新廣。又二十里為黃盤山。故平隴也。有嫗緣樹。下上如猿猴。亦自駭目。宵行十里。而及永郡。零陵董令為柳州太守。雲泉猶子。沿街以門燈相逐。及館供頓甚設。乃西

行所僅有。予為愧之。

初七日發永州。解西有瀟湘二江神祠。憑軾以禮出瀟湘門。上浮橋。橋橫亘巨艦三十五貫。以鐵索架白板其上。行甚夸。不知其流之迅速也。水為冉溪。柳子易名愚溪者。北入湘江。蓋瀟水發源九疑。而合流于湘郡。址南當其分。北當其合。從瀟湘樓縱觀之。若遊魚逆流而上。吞吐出沒。而崇墉蜿蜒。烟樹籠蔥。帶以數十萬家。以當楚西鎖鑰。張粵者。每以諸生省試去楚遙。而入粵便。欲割之。為桂林附庸。而張楚者。以賜履之舊。睚不任割。亦以山環水隈。幅幘雄勝故也。度芝山。謁柳司馬祠。殊湫隘。有小殿。亦陰塞。三十里為大石城山。即子厚所記者。石層累如睥睨。青蒼映日。其麓可十里許。左右壁立。而中窪。蓋輿行罅中。訖磨車館。道始抵傍。多楸樹。古茂陰映。而孝修以輿人取捷。忽從小徑攀峻嶺。逾懸崖絕澗。渡溪而至。約十里。始與余會于遠路。又五里。榜曰楚粵分界。循山徑而出。則喬松千章。行列道傍。大可四十圍。小不下二十圍。高可二十丈許。其跌十餘丈而下。絕無旁枝。其上乃始虬盤龍攫。互相槎牙。至有兩幹並上。大類連理。竟難伯仲。濤聲絃響。雲日蔽虧。其清古雄寒之色。沁入肌骨。即籃輿已度。而睠不忍回瞻者。多為千年以上物。相傳為楚王殷分鼎時所植。良不虛。

耳十里為黃沙市。乃逾相而山角驛至。則粵之東境全州界矣。是日北風壯。土民相慶。以為豐兆。諺曰。三月初七日。南風吹過北。有田不得穀。北風吹過南。有米咬不完。亦廣右風俗志也。

初八日發山角。十里為黃沙鋪。四十里城南驛。黃沙而南。山阜時有。逼側至此。則平原夸曠。而遠峰迢遞綿互矣。夾路古松。接武獻奇。如昨者。殆無量數。是日日稍烈。覺有鬱蒸意。固其地氣使然。劉全州守來。迂入城。而蒼梧張觀察七澤公。適以萬壽齋賀。駐節全署。余上謁。語余曰。此中風氣。夙稱惡劣。飲食男女之際。固當矜慎。而衣被寒煖。更宜節而表之。晨起必量陰晴為定。則燠無大減。深無大增。宜多為單衣半臂。遮裛益之。乃善。余曰。御瘴必以酒有諸。曰。風霧未闐。稍引蕉弓為宜。劇飲之。反為毛竅易張。而為瘴毒所乘。此最宜戒。至榔實。詢葉。吾輩亦無庸也。且云。足下亦太守。還客耳。何必久為禦瘴計。余曰。何敢以慶解為傳舍。遂謝而別。午發城南驛。遠術延廣。闌闌殷然。人材物力之盛。似當領袖。八桂度西。闐而盤石當城西。之灘江口。光孝寺。據其上游。入寺。有無量壽佛塔。塔中祖僧肉身。蒙漆黝然。華燈熾然。土人虔禮甚盛。索其闐山志。觀之多言神通幻蹟。凡數卷。寺當湘灘分流之界。北為湘南。為灘。余遵

灘而行。兩岸諸峰突兀插天。轟轟迎人。而右壁幽巖層出。欲覆籃輿。下瞰清流徹底。怪石巖巖。真令人應接不暇。拾級登嶺。有亭曰江山一鎖。進曰捲烟閣。其巖處鑿石為大士閣。西行新甃石。遠不五里。為飛鸞橋。長可百丈。度平田五里。再循山徑。古松夾路。亦復獻奇。而忽遭被燬者數章。或剝鱗。或剝根。慘不忍視。千年靈物。蓋為溝斷。詢之輿夫。多為販狙與土獾相勾。日侵月蝕。託言野燒所燼。而以數銖官錕賤售之。為牟奇利計者。即百厲禁。不能禦也。念之慨然。宵行二十里。宿山棗驛。

初九日發山棗。古松猶昨。借野燒牟奇利者。亦復如昨。私念人情好惡相反。故爾爾落落千丈。猶止人之為國棟也。見金而不見松。則此松之澹居于古道傍也。于彼何礙。而不盡不快。愛此松者。不復愛此。如松者。則彼之以松盡也。于我何礙。而自不得不疾之若仇。人情大都如此矣。十五里為華光館。館背南而向北。遞北為白面山。嶺人窟穴其中者。縱橫五十餘里。不領于公家之版。三十里為興安縣白雲驛。距驛三。里許。堯舜兩山。相拓如畫。趾各離立。群峰轟起如筍。峰各自為尊。從上瞰之。如洋點于波。田塍相錯。無遁影者。二十二里為嚴關。聞從此少雪多瘴。然險隘半就夸矣。壁間大署嚴關。及胡鄰東遠書。宋政和乙未二年二月日數字。時就晡。平岡中枯茅萎塞。

稚子為撞賊所驚。乃秉炬行三十里。及大榕江。乙夜間渡。知為羅洞所自出。往往多  
蠱毒。即苦渴不可飲。渡訖宿大榕館。

初十日發大榕。龍蟠玉泉之勝。寄彷彿間耳。三十餘里至靈川縣。則靈峯在望矣。羸  
秦將戍五嶺。命史祿鑿渠于此。遂以靈渠名。而馬援南征。餉道亦此焉。出延望。峰巒  
楚楚。時若火燄若劍戟者皆是。徭人好鬪。良以此故。二十里為甘山渡。又五里為望  
城館。崇岡大嶂。耳目為朗矣。又五里為拱極樓。入粵省北門。門外巒岫十數浪起。都  
火蟲而小。其壁立一似不可攀者。城以萬雉橫截之。門以內朱門相比。則靖江支藩  
也。予僑居武定。侯樊園中。仰首而望。獨秀山端然。削成如卓。筆然。周遭環以朱檻。  
其凹以館。其凸以亭。旋聯而上。又如浮圖然。誌稱郡守嚴延之讀書於此。而今為靖  
江郎中行樂地。故天下諸藩所未有也。東江陳驛尉以新遷。杉青巡司來謁。輒附鄉  
信為報。瘴海無恙。

十一日謁蔡中丞及穆侍御。遂有桂慶互調之議。時桂林守為同籍王震澤。與余俱  
出于弱侯焦先生之門。震澤固醇謹長者。吏事亦復井井。徒以目昏為苦。余固辭。兩  
臺固強之。余曰。某走五千里入嶺西。所乞休不即報可。而甘受事。字下者。以慶遠故。

也。走五千里入嶺西。未受慶守一日之事。而遂奪同門生十郡之長。則始之乞休焉者。以慶遠故也。即以慶遠易桂。慶得矣。奈桂失何。即桂失而瑕矣。慶能獨得而完何。調在慶守未入嶺西之日。未嘗不可。調在慶守既入嶺西之日。則無一可。凡所為期。免此舉者。匪徒為桂守。亦為慶守也。兩臺領而許之。徧謁藩臬諸臺。而臬長梅公二水為容臺舊好。邀坐解中酒。語曰。西粵山川。何當積千年之靈。幸公一來。其以龍水為淮陽也。余媿謝曰。惟有顏甲。漏下二鼓乃別。抵園中。則夜月朦朧。藩邸鼓樂甚沸。可亭中尉以可酒相餉。娑娑庭中側柏下。呼餘杯自娛。乃就宿。

十二日晨。起步園東小園。見牡丹一枝。爛熳迎笑。乃知嶺表氣候。較先吾鄉一月。頗聞七星嶺之勝。而詎應雜沓。恐成通客。遂決計往。出東江門。道安仁寺。江有浮橋。聯以四十巨艦。約廣百仞有奇矣。此為東渡岸有五侯祠。為頻年沒溺者。多而新之。以祈免者。卷多朱門。散處天潢。經嘉熙橋。袤可九十仞。石甃甚固。折而北。則崇麗也。從七星觀入。中為寥陽殿。左乃七星仙迹坊。拾級而上。凡十二折。仰睇之。崇似覆。蓋草木蒙蔽。不見日影。嵌空處新豎一透明閣。再上曲房一楹。平軒三楹。又轉為玄闕。由左洞入。廣可容百人。又轉而崇稍壓。頰首以入。為右洞。則爽塏如大廳事。中石柱二。

一臃腫肥重。一圍徑僅拱把。上聯于石。下拉于土。有一石橫列屏于東隅。為游者置酒處。中可容二百餘人。其折旋處。則互而為石檻。穿而為石櫺。滴而為石乳。再拾級以上。則遠而為石洞。其他如蹲如踞。目所遇者。未能一一指數。而黝深難測。目之所不至者。非秉炬不可達。遂由山腹尋徑而出。復從故道。向通明閣前縱觀之。直徹桂城。自獨秀山而南。尖巒簇簇。燄光閃爍。絕無寸草。林木相翳。而一峰自插一位。積數恰得三十峰。盤礴林立。誠大塊間一靈瑰之區也。昔人謂山川勝北州。信然。

十三日發桂林。由永鎮三江樓出。若武林鎮。海樓然折而西。度城闌里許。見窪田處。奇石森列。已而兩山對立如堵。北則峰巒坦迤。南則巒疊疊。如劍如槩。如菖蒲叢。如蓮花瓣。凡三十里。延望皆然。知為陽朔奇幻處也。憩山爪館而西。峰皆堆土。麓則石也。似童似獨。絕無往來人迹。麓多鼓反。半高半下。轟則登天。墮則入淵。枕礎不休。凡三十五里。為蘇橋驛。又前五里許。為竹峰渡。瀰漫屈曲。前度一岡。則不見後岡行迹。又三十五里。抵永福縣。宿公解。訖百里間。眼中所見南來者三人爾。

十四日發永福。從襟帶三江亭登舟。舟窄甚。脰不可憩。順流而下。中多隱石。波紋沸起。每一放灘。疾如縱矢。兩岸崇巒。挺特相送。其林木佳蔚處。青如螺結。其石骨稜嶒。

處淨如苔滑約三十里有一峻壁屹峙初曉之若無路轉而南又為廣路島嶼紫煙  
卒不可究詰又三十里為里定驛巨峰浸江中多峭拔宛嵌花木繁秀殆不可數兩  
岸山坳皆僮所居有蓬髮者有裸體者有隱樹而窺者有憑磯而跂者有汨而浴于  
江者有赤乳而哺兒者皆結茅為窩採蒿而食未知其聊賴安出又二十里而月生  
東嶺嶺插天孤懸空江清絕四山寥廓每近一灘水聲瀉瀉瀑濺人衣舟子云此百  
里內土毛從未入貢而二十里上下絕無烟火蓋荒遠蕭瑟如是乘月行二十里至  
橫塘驛大雷雨如注水電戛戛與舡相颺夫嶺南稀雪乃電從何來豈蛟螭故戲  
龍水客邪這四鼓颼風大作孤艇震蕩恍似富陽江夜泊時矣

十五日朝旭瞳瞳岸山漸平曠二十里東泉驛行三里許有石磯蹲江中脈理巖確  
計以舟觸之無不焦者又三十里為洛容縣登城僅一聚落耳前令此者為吾鄉李  
孝廉名萬春固醇謹士也竟永訣于此而今為陶令比屋茅茨一周遭而罄令坐堂  
皇則角巾黑甜而已聞城外種人不少構鬪而為媒賚所持有相齟者僅以牛酒相  
罰終不樂為漢法所拘是夜月色如晝

十六日五鼓從洛容西行月色蒼涼與岡阜相映望烟雲出沒宛若溟海落照時四



十里渡洛青江。兩岸山容與赤日相閃。狀如火雲。二十里而渡右江。右江南接瀧水。西接潯水。而東則直達于桂。自洛容而東。水皆西南流。自洛容而西。水又皆東北流。蓋山脈墳起處。從此歧向爾。渡後遠城不一里。為柳郡東門。董太守雲泉為海寧世。講好邊飲于立魚峰。余曰。固也。當上謁黃參藩愷衷。公竣。徧索仙奕。駕鶴之勝。而後促郵作吳儂語耳。上謁畢。遂問羅池。過雷塘。讀眉山所書昌黎氏荔子碑。摩娑折角之字處。先是柳城屢墮。屢築旋覆墮。畚鍤者。從墮土中。得碑角一之字。與故痕合。而城始就築。嗣後貯折角柳庫中。摹搨者。必得請。而後碑始全。亦一奇也。揖柳司戶劉菁墓。感憤久之。乃就席于立魚腹中。腹廣六十餘仞。與雲泉促膝語。燭烟酒氣。氤氳相娛。從外望之。如吾鄉魚燈。然而其尾騰躍而上。若跳波而入者。聞有子厚鐫題處。暗中摸索之。不可得。歸宿公解。雲泉復來言。龍水蕭瑟之狀。余曰。固習之矣。十七日發柳州。郭外民居。皆剪茅覆屋。黃沙莽莽。了無端倪。風雨驟至。踰蹕而行。二十里為墟市。見獠人。富者戴紅藤帽。乘馬挾刀劍。貧者片麻裹頭。腰間都佩一繡綵。亦其天性好鬪然也。遙望松下。搭歌成群。數十人一聚。其俗女歌與男歌相答。男歌勝而女歌不勝。則父母以為恥。又必使女先而男後。其答而相當。則男女相挽而去。

遁走山隘中相合。或信宿。或浹旬。而後各歸其家。責取牛酒財物。滿志而後為之室。不則寧需異時。再行搭歌耳。從此山岡巖惡。無不劍戟交牙。而道間。魄礫齟齬。絕少坦迤。茅塞藋穢。雜以泥淖。所謂行路難者。寧復儼此。凡度嶺十三。綿亘二十餘里。每從嶺腰俯視之。輿夫三分。足垂在外。足下臨大壑。往往千百仞。而轉折處。籃輿竟當其空。經此計無不心悸者。次柳城縣東江驛。晚閱柳河東丈宣王廟碑。而後就宿。

十八日發柳城西門渡江。江即龍水之西來者。從此為龍水客有矣。江不甚廣。且挽流而上。際岸為遲行五里。為琴絃山。山臨大江。輿行其腰。徑間亂石縱橫。雜以茅穢。輿夫云。往時亦礮石為級。暴水時。至仍復凌雜。蓋自萬曆初年。晉陵錢侍御起羊公。按柳後。隨及龍水。時一加闢。迄今三十年。直指使者檄官吏。暨獄詣柳。以當按部。至學使者都試行學。迄未有過而問焉。歲時惟有一司李奉臺檄一行部耳。坐此道路梗塞。竟無甃底時。二十里為龍水鋪。三十里為永寧鋪。則宜山界矣。宜山令孫善長。近之大曹渡。為離郡四十里。渡口山石叢。流沙沒脛。烟靈茫茫。訖渡而館大曹驛中。四望山巒若筍。

十九日發大曹山。行逾嶺者數數。而平岡為多。路徑蹇澀。如昨窪處。流泉淙淙。迄無

導之成澗者。其平曠處。土膏中時雜石磧。宿莽與草相亂。田塍中往往特特散枝。而蕪穢不治。訖少耕耨者。良以漢種相雜。以致曠土彌望如此。道間每十里。則守望兵士。荷戈挾刃。不下五六人。問其額額。歲不逾一金耳。十里鋪胥吏。以更衣易輿告予。從之。則矜人狃人。狃人狃人。獠人狃人。駢肩側足而覲者。彌滿山谷。而獠婦之椎髻。跌足身裸。竇布上銳而下廣。盤跚叢茅中者。亦連袂成群。固生平所未經見也。日午。入慶郡東門。齋城隍廟。

二十日寅刻。謁城隍之神。具文以告。以辰刻進郡。署銅仁楊郡丞。以被刺不出。金谿江司理以攝篆授事。而河池曾州守宜山孫令君。天河署事思恩蕭令君。荔波葉令君。各以手版來謁。所不至者。則南丹東蘭那地三土州。忻城一土縣。永定水順二長官司。閱旬月。而先後以郵中手版來。漢法之曠也久矣。鄉紳自郡守縣令。學博孝廉諸弟子。負而下。凡若干人。來謁。即訂次日一謁文廟。將會講于尊經閣。郡埦榕樹大。可十抱。枝葉幾覆堂東西。榮且盡。而兩廡瓦礫積與垣齊。垣僅六尺許。解膏三人。史四人。半為全州產。半為東粵高要產。絕無土著者。與阜門快充數而已。入衙齋。一木榻二板。凡三四。竹椅略具。適短垣桃李數株。將實。徑高三尺餘。有環翠亭。支柱無恙。

一艦亭凡六角半為蟻所蝕枯池畝許蛙聲如擊枕仰而聽鷓鴣四山磔格皆耳所未嘗。蝮蛇時時掛梁壁。蜈蚣尺許。赤蟻寸許。皆目所未嘗。延望天門山隔江而枕于郡北。而九龍諸峰及南山石龍洞。蜿蜒拱揖。亦一郡之勝也。獨風霧四塞。即晴霽。非反已不開。則自桂林而西。比比然矣。

二十一日謁文廟。學博率諸生會講于尊經閣。與會者郡紳王太守泳一人。府倅縣令四人。學博五人。孝廉七人。訖事而王太守賦鳳鳴歌以志其盛。

二十二日謁黃文節魯直公祠。讀廡下先為宜州守。後以仙蛻去。張丹霞先生所撰祠志。已而問南樓故址。文節飲憾九原處。為之緬然流涕。

二十三日視事堂。胥吏抱故牘。惟南丹州董界殺人數案。郡地州佔德。蓋四堡數案。永定長官司。兼攝清潭南鄉。則其犴人兩耳。為江司理以謀反具申。行勒旅拒數案。其他重大事情。半係上官劫殺。犴民構鬪狀。每投文。胥吏輒報無有。每及期放告。胥吏亦輒報無有。

二十六日太平李司理。以隨巡行。覈郡縣諸牘。至余置酒郭西香林院。散步風林。見澗水淙淙。滙為方塘數畝。五六小峰。玲瓏矗起。迹其上有龍眼古樹六本。龍蔥可愛。

而下為牛欄。中半竹閣。糞壤幾不可近。問其玉曰。倪生璩生丘生。余延問其契。值若干。積養錢易之。誅茅除穢。欲構講堂。聞為書院。及檢嶺西通志。乃知為趙清獻公從。贛州謫判宜州。群諸生都講。故處遂決。意成之。顏曰香林書院。而為之記。已余報移。贛州宜山孫令君曰。清獻公後身耶。何以巧相會也。且院中石梁虹亘十丈許。下空洞而上岿岿。端為郭西奇觀者。夫豈偶然。願易名為石梁書院。余固辭之。

四月初二日。南丹等州以腆金大幣來賀。且曰。循往例也。余即來牒斥責之。仍大署其尾曰。通案如董界殺人德謹佔堡數事。早為洗結。恪乃位。即是恭上官。不得稔咎干紀。以貽伊感。郡紳聞而是之。作斥金歌。

初四日。柯恤部以讞獄檄慶入柳南丹。土官捏誣夏驛丞徐巡檢。以土兵二命宜償。積久不結。余察其借端抗逆。為漢人滕子高林華交結撥置。而二流官因公課起爭。為夸夏大防所闕。難以凡謀鬪毆律論。乃悉反沉案。以休之。積積稍戢。

二十五日。穆侍御按柳。檄慶余齎諸牘上謁。侍御按兩郡事。至五月五日。乃託時為余初度。董太守觴之郡齋。遂走賓州。

五月初六日。從遷江上林入賓。時剽馬賊方橫。道路戒嚴。余肩輿疾走。及賓上謁。轟

觀察念慈公為言自柳入賓。文檄猶刻期可達。自賓至慶中為南丹衛。羅自渡忻城。土縣道路都枳聲教幾且不通。若其奈何。余曰。此八寨故處也。昔賢善後官窳寶未。有盡當過而問焉。余肩輿詣其地。一一經畫之。先以立堡具覆。隨上八議。中有增流。縣以鞏幅賴者是也。具如別牘。

十一日。渡羅目。及忻城縣。土官莫自誠來謁。其人喬樸無所芬華。余戒之。謹疆守以無軟王略。

十二日。永定土司叛目韋萌發。以其子來逐。余慰遣而呼其父。初詐以病辭。余曰。此為真叛目也。速來無反于殃。少頃。明發囚服躍馬而至。余好語寬之。取來版裂片幅。殊書其上曰。韋萌發速擒賊首韋朝馬。到日萌發免死。且論功。牽其手于臆下。襲而與之。且誠曰。即汝妻子無漏。萌發竊睨之。報曰。須官兵三百。余曰。此又叛目語也。朝馬為汝洞奴。而以謾我。其婦細思之。抵郡。越數日。復以牒來。仍請官兵三百。余笑而麾之曰。我與此酋以生地而彼趨之死所。佯為不深討也者。而胥吏已傾而輸之矣。先是蒞慶五日。萌發以長子率土兵五十餘人謁賀。其子首飾金抹額。身披繡甲。從兵皆手長矛。衣墨竹甲。以獐酒二甕。黑羊二牽為儀。余受而即犒。其從兵分啖之。江

司理從旁目語曰。萌發負固六年所。一旦以愛子來趣囚之一彈指。不勝萬數甲兵。邪數數慙。憑余稔知其故。笑語之曰。彼以賀來擒之不武。彼故父叛囚子未協。笑而遣之。已而牛賈有言。被劫賊。通萌發寨中者。胥吏曰。須兵士數人趣縛之。余曰。無庸也。以片符令壯役蔣應元往勾之。應元恒不任。請益伴以防旅拒。余曰。無庸也。汝第去。萌發當親飯汝。仍勞汝。汝食而受之以歸。已而果然。從此萌發心動。若有惻惻于余者。及此余經其鄉。已而陽置其牒不與較。而發萌遂束身以來。

六月初一日。李試郡邑諸生。甫午。垣外鈴聲珊珊然。門者曰。調贛報至。時方定課期。訂講規于香林書院中。而忽將戒館。諸生為之黯然。余曰。焉當世挺出于此。天門拜相山英靈未歇。第努力勉旃。徵夢堂故須諸君再振清譽耳。

初四日。香林書院落成。郡紳孝廉。暨學博弟子。員咸集于會。而備戎莊志傳。亦願北面就弟子列。余為拈王文成公天泉橋上無善無惡一則。為王汝中徐曰。仁所相質。及邇來許敬庵周海門兩先生。以九諦往復之旨。揭之屏間。與座中互證。維時各各有首而散。因詢輿夫曰。張丹霞仙子遺蛻安在。初誤指他墓。迹之不得。再窮一山坳。洞門僅二尺許。志稱尸解之日。其觀從郡解挾風雨飛入。度何能約縮至此。僣進禮。

之見亂石縱橫似有遺骸零雜作殷紅色。余偶携三金。屬壯備戎買石甃之大書丹霞遺蛻四字。錫洞門之額。

初五申宜山令進謁曰。晚來永定土官。聞已入城。余曰。百里侯何遂。以此作咄咄怪事。令曰。萌發其父。劫省藏逆。願行者數十年。無能正法。沒身而當事。僅塗塞了事。以有萌發之藁。替襲替三十餘年。廣轄一百八十四村。復益以清潭南鄉二里。置庄十所。庄各一妾。妾各一子。雄長于郡南十五里中。僅咫尺耳。往舉事一不審。輕挑之。螳動狼顧。迄五六年。大中丞令旗招之不來。憲使督兵圍之不出。郡縣千檄百符。趣之不應。今不煩尺挺。囚首自服。此豈易言。余曰。固也。何以處之。將囚之。必逸。將不囚之。非法。將赦之。不承。將不赦之。非法。彼持矛帶甲。環伺而探聲息。為逆順計者。徧城閭。皆是也。此豈可草草措置者。試為余籌之。令猝無以應。余曰。余與君且出廳事。君肅立階前。余肅容而呼之。以踈一時機。適若何。余遂前行立階上。令立階下。左方隸人大呼啓門。命土官進。余語之曰。韋萌發今日之事。應受杖乎。不受杖乎。萌發曰。寧甘殺。不任受杖。余曰。此又真叛目語也。杖則向不來。而無以杖。今來而反杖。汝謂上官順逆無別。不杖則今之來。可以無杖。向之不來。何以逃于杖。汝試謂天朝法守何在。



且杖則明告司道憲使曰。萌發受杖矣。明告撫按兩臺曰。萌發受杖矣。從此可早結而免于解杖。不任受杖。則府無杖而解道杖。解司杖。又解兩臺杖。杖且滋多而難以早結。萌發始幡然解衣曰。甘受杖命隸人杖之。及十二下。萌發曰。夙患疝胞大如甕。過此難承矣。余呼止之曰。病者不杖。姑待愈而訖法。立呼承行胥曰。取供單來。胥曰。干連未齊。余曰。呼之門外即齊耳。以五六年負固土司。一日而歸命案中。干連無不潛伏竊聽者。第伺我之緩急寬猛。以為應憎耳。且緩則若輩利而地方不利。急則若輩不利而地方利。夫此耽耽者。久需何為也。試呼之門外。果人人響應至矣。隸人呼萌發。晝招萌發。瞪目而問曰。犯人何罪。余曰。坐汝叛逆。實無反形。難以論辟。坐汝割撞人兩耳。法宜遣戍。然實為汝洞仔而汝自則之。固難繩以漢法。然恢恢王土。何藉汝一夫何戈為也。當罰備荒米五百石。坐以雜犯減徒。而并徒汝撞幹二人。以明示恩賞。萌發痛哭曰。生成之恩。世世無忘。遂俛首入獄。瀕入復呼語曰。汝知我早結案意乎。稍留之則汝幹目多計。而思黃絲以行求。則不能無多費。稍留之則郡胥吏多計。而思需索以散法。亦不能無多費。汝第安心就獄。以聽早結。則法竟而恩見。汝猶可以官。子猶可以替。萌發復汪然淚下。而就繫。閱日。輒具牘上黃觀察。觀察杖之四

十并杖其家僕各四十。具詳兩臺如擬。嶧而萌發帖然。慶郡南一面寂無咆哮聲。逾年竟以病死。而其子甫十七齡。乃告替。

十五日謁文廟。諸生會講畢。前請曰。禮星門外頰池。故有文峰五座。幻出蓮朵。中前馮後黎文運迭起。後以得過郡守。假他端怒而刻平之。從此科第杳然。吾師為補鍊。手計將何出。余曰。何難。右江中奇峰林立。第勞五丁驅而續之。將使後生毋遜前賢。遂屬宜山命之匠氏。余送七孝。庶北上詩有曰。天門舊有峰峰在。蓮岳新添箇箇成。正以此。

七月初十日。束東歸裝。將趨贛。而郡士民以挽留。奔告兩臺。兩臺曰。仕路挽留。計無不出本官意者。而慶郡挽留。計無出本官意者。且早趨贛。即應覲耳。不早趨贛。而留慶郡一日。則郡一日有慶。此兩臺劄中語也。故檄藩臬詳議之。已須泗城州土官岑雲漢父子會勘一案。乃不旬日。先奉直公計。至以奔跣行。蔡大中丞復移劄曰。我欲留明公。乃以贛奪我。以為慶之人不敵贛也。我卒無能暫留明公。乃以憂奪我。今以為贛之人不敵慶也。余為之顏甲。龍水客曰。余從水西旅龍水。歷省四郡十七州五縣五十三。涉大江者三十。凡六十餘。多春陰。所在苦滂。惟度浯溪。日開霽。徹晝夜。

耳。將無元次山有靈軫我瘴游乎。差快意者。一撫衡麓松色。再撫全州松色。望九疑。讀响嘯碑。依徊堯山下。穆然堯舜禹之思。馬覩湘山寺肉身。張丹霞蛻骨。近于怪。渡汨羅。問原道館。及愚溪羅池。劉司戶墓。黃文節南樓。近于怨。彷彿嶽頂馬祖。懶殘。及長源有宋諸儒故址。近于通。乃趙清獻都講故處。蕪沒民間。久為牛馬場。以散步一覽得之。遂為慶地。開千秋眉眼。落講堂之口。有文豹騰躍而來。為莊備戎。驅材官格。得以獻其徵也。夫其徵也。夫。